


ONVPHRII PANVINI
VERONENSIS FRATRIS
EREMITAE AUSTINIANI,



INTERPRAETATIO MVLTARVM
VOCVM ECCLESIASTICARVM, QVAE OBSCVRAE
VEL BARBARAE VIDENTVR.



Item de Stationibus Urbis Romae, libellus.



COLONIAE,
APVD MATERNVM CHOLINVM
M. D. LXVIII.

Cum gratia & Priuilegio Cæs. Maiestatis.

²
LA VRENTIO CELSO
ROMANO XII. VIRO ABRE=

VIATORI, S. D. N. PAPAE A SVPPplici-

BVS LIBELLIS REFERENCE, ET PROTO-

NOTARIO APOSTOLICO EX SEPTEM,

Onuphrius Panuinius Veronensis Frater Eremita, Au-
gustinianus, S. P. D.



Nemo est qui nesciat, me post Deum, operam, industriam, spem, omnes deniq; fortunas meas in Alexandri Farnesii Cardinalis amplissimi fide, & pietate collocasse. In quo orando, quia eius magnitudo meas superat vires, quum potis non sim, eos saltem celebrandos perpetuo perscrutatus sum, qui in eius clientela essent, vt quæ Domino, virum imbecillitate præstare nõ possum, id saltem eius clientulis amicis meis conferrem; ex his, quia principem locum familia tua non obtineat, nemo est qui dubitet. Multis enim beneficijs, fauoribus, studijs ab ipso ornata, & ipsa vicissim omnem industriã suam in eius voluntate exequenda posuit. Hanc rem Vrbi Romæ pater tuus Ioannes optimæ fidei, industriæ, & incredibilis diligentiae homo viuens ostendit. Eandem modo proficitur Ascanius Patruus tuus, vir supra fidem industrius, in hominum proborum amicitia excolenda accuratus, patroni amantissimus, in exequendis maximarum rerum arcanis promptissimus. At hæc quanquam magna, exteriora sunt. Tu adhuc iuuenis magnis muneribus honestatus, optimis moribus adeo litterarum studia, & præclaras actiones adiunxisti, vt eximia cuiusdam, & inusitæ virtutis in te breui futuræ, spem omnibus attuleris, quam vt magis, magisq; accenderem, animumq; tuum ad præclara quæq; persequenda, quæ occepisti, inflammarem, hac epistola te conueniendum duxi, quam breui huic libro præposui, in quo multas ecclesiasticas obscuras voces Latinas, Barbaras, Græcas, quæ passim à scriptoribus ecclesiasticis vsurpatæ occurrunt, illustraui, ipsq; breue de Stationibus re in Vrbe frequentissima, opus adiunxi: quas lucubrationunculas tuo nomine publicare constitui, tum vt meum erga te ardenti virtutis studio præditum, aliquod extaret obseruantiae signum, tum vt omnes agnoscant, me in hominibus celebrandis non omnino iudicio caruisse. Vale Roma Kalen. Septembris
Anno M. D. LXVII.

ON VPHRII PANVI NII VERONENSIS FRA

TRIS EREMITAE AV-
GVSTINIANI,

INTERPRAETATIO VOCVM ECCLE-
siasticarum, quæ obscuræ, vel barba-
ræ videntur.



Vum falsim in Historijs ecclesiasticis, & præsertim Romanorum pon-
tificum vitis, multæ voces barbaræ, inusitata, ex Græcis Latinæ reddi-
tæ, alienis aliquando à suo significatu sensibus, metaphoricè acceptæ, &
ideo minus cognitæ, insertæ sint: operæ pretium facere existimaui, si bre-
uem earundem interpretationem, & expositionem, ex vetustissimis quibusdam scri-
ptoribus cõstituerem, quo omnia legentibus clariora, & apertiora sese offerentia,
eorum in legendo assiduam curam & diligentiam non remorentur: sunt autem
cuiusmodi,

OFFICIA, Siue Magistratus

Domnus, Papa

Episcopus

Cardinalis

Archipresbyter

Presbyter.

Pœnitentiarius maior

Pœnitentiarij minores

Archidiaconus

Diaconus

Palatinus, vel Basilicarius

Regionarius

Stationarius.

Pater Diaconie

Archisubdiaconus vel

Prior Subdiaconorum

Subdiaconus

Regionarius

Basilicarius siue S. R. E.

Palatinus

Oblationarius

Stationarius

Mansionarius

Manf. primus

Acoluthus

Regionarius

Stationarius

Supulmentarius

Paracellarius

Primicerius scholæ cantorum

Schola cantorum

Chorus

Primus scholæ paraphonista

Secundus scholæ paraphonista

Tertius scholæ paraphonista

Quartus scholæ, qui &

Archiparaphonista

Vicedominus

Maiordomus

Vestiarius

Cæcellarius, alias Bibliothecarius

Camerarius

Primicerius S. R. E.

Secundicerius S. R. E.

Arcarius

Sacellarius, alias Sauularius

Protoscriniarius

Scriniarij XII.

Primicerius defensorum

Defensores

Defensores regionarij

Aduocatores

a z Admis

Adminiculator
 Primicerius Iudicum
 Iudices
 Primicerius Notariorum
 Protonotarij
 Notarij regionarij
 Nomenclator
 Roga.
 SACRAE AEDES, ET
 earum partes

Ecclesia
 Titulus
 Paroecia
 Oratorium
 Martyrium
 Diaconia
 Xenodochium
 Monasterium
 Gremium Basilicæ
 Camera Basilicæ
 Absis
 Confessio
 Ambo
 Secretarium.

AEDIVM SACRARVM
 ornatus

Patentæ, alias Patinæ
 Calices ministeriales maiores, mi-
 nores
 Amulæ, alias amæ

Colatorium
 Pugillares
 Scyphi
 Metretæ
 Hydriæ
 Thymiamaterium
 Peluis ad Baptismum
 Corona, alias pharum cantharum
 cum Delphinis totidem
 Ceroftota
 Phara canthara cum delphinis toti-
 dem, in quibus ardebat oleum
 Canthara ceroftota
 Lucerna cum Lychnuclis
 Gemelliones

VESTIVM GENERA

Anaboladium, alias
 Anabolagium,
 Alba
 Cingulum
 Orarium
 Mappula
 Colobium
 Dalmatica
 Planeta, alias Casula
 Pallium
 Mitra
 Offertorium
 Phanon
 Naccus



OFFICIA SIVE MAGISTRATVS.



OM NVS pro Dominus, per Syncopen dicitur, qua appellatione olim Pontificem Romanum, mox, & alios episcopos venerationis causa honorabant. Pontificem enim Domnum apostolicum uocabant: nam dominus terroris, non reuerentiæ vocabulum esse existimabant. PAPA Græca vox, quæ Latinè dicitur papius, auum significat, id est, patrem patris, Ausonius ad nepotem,

*Papae aulæq; trementes,
Aut seruis patribus serui noua cura nepotes.*

Apud Bithynios cognomen Iouis erat, qui dicebatur Iupiter Papis, id est, pater. Hanc vocem omnes antiqui Christianorum episcopi pro patre, siue maiore patre frequentarunt (auus enim aliquando maior pater dicitur) & præsertim magnarum, & insignium urbium, ut Romæ, Carthagini, Alexandriæ, Antiochiæ, Hierosolymorum, & similibus. Cornelius enim Episcopus Romanus presbyteri, eiusdem ecclesiæ, & alij multi in epistolis suis Cyprianum Carthaginensem Episcopum papam, & papatem vocant. Dionysius Alexandrinus Episcopus Heraclam prædecessorem suum, in epistola ad Philemonem presbyterum Romanum, beatum papam nominat. Similiter Athanasius, Theophilus, & Cyrillus Episcopi Alexandrini, papæ dicuntur. Sidonius in epistolis suis passim omnes Galliarum Episcopos, ad quos scribit, papas appellat. Hæc vox, post Gregorij primi tempora, reliquis episcopis adempta, soli Romano pontifici attributa est. Qui & apostolicus est aliquando dictus; ob præcipue apostolicæ sedis, cui præest, reuerentiam.

EPISCOPVS, Magistratus apud veteres nomen fuit, cuius munus erat panis, & ceterarum rerum, quæ ad cibum pertinent, curam habere: ut colligi potest ex verbis Arcadij iurisperiti Dig. Lib. I. Tit. de muneribus, & honoribus. Quæ vox ab operatione deducta est: nam vel ab ἐπισκοπῆν venit, quod significat speculari, considerare, vel ab ἐπισκοπεῖν, quod est uisitare, siue speculari. Quod nomen ad Christianorum pontifices translatus est, qui Episcopi, vel visitatores, seu inspectores, obseruatores, & speculatores dicti sunt: quod illorum præcipue officium sit, gregis sibi commissi curam gerere, & mores explorare. Hæc voce usus est Cicero lib. VII. epistolæ ad Atticum: Vult Pompeius me esse, quem tota hæc Campania, & maritima orahabebat, Episcopum, ad quem delectus, & negocij summa deferatur.

CARDINALIS vox variè accipitur. Vitruuius lib. IIII. cap. VI. Fores ita compingantur (inquit) ut scapi cardinales sint ex altitudine luminis totius duodecima parte. Et libro X. cap. XX. ait: Eæ concludantur supernè inter cardinalis trabibus, super trabes collocantur capreoli cardinalibus aliis in alium conclusi, in altitudine excitati pedes IX. Et capite XXI. eiusdem libri: Erigebantur, & arrectaria duo compacta pedum XXXV. crassitudine sesquipedali, latitudine pedum II. coniuncta capitibus, transuersario cardinato tigno, & altero mediano inter duos scapos cardinato, & laminis ferreis religato. Hic Vitruuius scapis cardinalis, significat cuspidibus & dolatis linguiculis compactos vel incorporatos, ita ut apud Vitruuium idem sit cardinalis, quod annexus, vel insertus, vel compactus. Hæc vox in eandem ferè sententiam frequens est in registro D. Gregorij, & epistolis pontificum Romanorum decretalibus. Quibus is Cardinalis dicitur presbyter, vel diaconus, qui certæ alicui ecclesiæ vel diaconie proprius, & ad certum alicuius tituli siue ecclesiæ ministerium ordinatus, insertus, annexus, & (ut ipse loquitur) inordinatus est: Nam S. Gregorio idè est, Cardinalem cõstitueri in aliquo titulo vel

ecclesia, quod incardinare alicui ecclesie, vel in aliqua ecclesia cardinare. Idem etiam de Episcopis dicitur, quod de sua ecclesia ad aliam necessitatis causa translatos, episcopos quidem ecclesie suae, illius verò, ad quam translati sunt, sacerdotes, siue pontifices cardinales vocat: quæ vox non solum Romanæ, sed omnibus alijs ecclesijs per provincias communis est. At quoniam episcopus, presbyter, vel diaconus ita cardinatus, & constitutus principem locum in ea ecclesia, cui incardinatus erat, tenebat: hinc factum est, ut cardinalis vocabulum, pro præcipuo siue principali acciperetur, in quam significationem Seruius super 1. Aeneidos: Ventos quattuor Cardinales principales interpretatur. Et D. Cyprianus libellum de cardinalibus, i. de principalibus Christi operibus scripsit, & vox cardinalis in antiquis pontificum decretis, & præsertim S. Sylvestri in concilio Romano reperitur. Isque dicitur presbyter, vel diaconus Cardinalis alicuius tituli, vel diaconus, qui eiusdem præcipuam curam gerit, omnesq; alios earundem ecclesiarum ministros gubernat, & moderatur. Hoc porro nomen omnibus ecclesijs commune, multis adhuc hæsit, ut Ravennati, Pisana, Mediolanensi, Compostellana, & alijs, sed potissimum Romanæ: quia sicut Romanus pontifex omnium Episcoporum princeps est, ita & sacerdotes Romanæ ecclesie omnium ecclesiarum clericos dignitate & honore antecellunt: hinc Cardinales hodie tantum appellari videntur, sed de hac re latius in libro, quem de origine cardinalatus scripsi, disputaui.

PRESBYTER Græcè, Latinè senior dicitur. Augustinus, Etiam grandioris ætatis, & (sicut scriptura loquitur) plenum diem posse dici seniore, hoc est, presbyterum, quæ vox maioribus natu, & communium episcopo concilio, ecclesiam gubernantibus, sacraque myteria tractantibus, attributa est, ut presbyteri, id est, seniores vocarentur. Hinc Tertullianus in apologetico cap. XXXIX. Nobis præsentem probati quique seniores, honorem istum non pretio, sed testimonio adepti. Quorum primus Archipresbyter dicitur. i. primus presbyter, quemadmodum Archidiaconus, & Archisubdiaconus diaconorum, & subdiaconorum primi, & principes. Ex presbyteris porro Romanæ ecclesie quidam super pœnitentes constituti sunt à Simplicio papa, ut his verbis docet Bibliothecarius: Hic constituit ad Sanctos Petrum, Paulum, & Laurentium hebdomadas, ut presbyteri ibidem manerent propter pœnitentes & baptismum: regionem tertiam ad Sanctum Laurentium, primam ad Sanctum Paulum, & sextam, vel septimam ad Sanctum Petrum. Hi presbyteri pœnitentium vocati sunt, qui eorum exomologeses audiebant. Quorum primus maior pœnitentiarius dictus, hodie est Cardinalis, reliqui minores pœnitentiarii, non Cardinales, vocati.

DIACONVS, Græcè, minister Latinè dicitur. Apostoli verbi Dei prædicationi vacantes, quum inopia laborantium subleuationi attendere nequirent, ministros septem, quos diaconos appellauere, elegerunt. Quibus pauperum, & viduarum cura (ut Lucas Act. 6. tradit) demandarunt. Apostolorum exemplo Euarius papa primus in Romana ecclesia septem diaconos ordinauit, qui, cum presbyteri docendis populis, & sacramentis administrandis attenderent, ipsi viduis, pupillis, pauperibus, & egenis, ex ecclesie thesauris, & oblationibus fidelium, subuenirent. Hi quum antè præscriptum sibi, & certum locum non haberent, sed eorum munia in promiscuo essent, primus vrbis regiones singulis diuisit Fabianus Papa, certa que loca assignauit, quæ diaconia, & pauperum hospitalia dicta sunt: quibus ij præerant, & in suis quisque regionibus fidelium pauperum necessitatibus, ex ecclesia pecunia, & Christianorum elemosynis à subdiaconis collectis, atq; ab ipsis custoditis, quantum in se esset, suppeditabat. Ex ipsis aut primus, vel antiquior, cum Episcopi, cleri, populiq; consensu electus Archidiaconus, vel Diaconus Cardinalis. i. principalis vocabatur, quemadmodum presbyterorum primus archipresbyter. Vnus igitur tan-

tur tãtũ vetustissimis tẽporibus erat diaconus cardinalis, vt ex actionibus synodi Romanę sub S. Siluestro Papa celebratę, liquet, qui & archidiaconus, & diaconus circũlustrator, & persequator vocabatur. Longo tẽpore post diaconorũ in ecclesia Romana numerus auctus est, & ex septẽ quattuordecim primũ, deinde XVIII. facti, qui omnes vt ab alijs diaconis non cardinalibus different, quorũ multi in vrbe erant, Diaconi cardinales vocati sunt, id est, principales, qui præcipuẽ hospitaliũ, & diaconiarum ministrerant. Ex his porro XVIII. quattuordecim regionarij vocabantur, quod singularum regionum, quę XIII. erant, diaconijs præessent: quattuor palatini, vel basilicarij dicti, quod in palatio, & basilica Lateranensi papę ministrarent. Diaconi verò Stationarij nomen perpetuum non erat, sed ad tempus. Ita enim appellabatur is, qui ea vice pontifici ad stationem aliquam profecto ministraret. Antiquitus erant diaconi testimoniales, qui episcopum prædicantem custodirent, qui vsus iam diu exoleuit. De diaconis, & subdiaconis, ita scribit Ioannes Diaconus in vita sancti Gregorij: Prudentissimus paterfamilias Christi Gregorius singulis Diaconijs, vel Xenodochijs, viros idoneos deputauit, quos, vt securius imò sagacius in opere pietatis & misericordię laborarent, priuilegijs muniendos esse decreuit: Quia (inquit) te virum religiosum, & mensis pauperum exhibendis idoneum nouimus, ideo te diaconię eligimus præponendũ, & ne qua tibi nascatur ex hac administratione dubietas, hac te munitione prosperius fulciendum, constituentes, vt de hoc, quod ad mensas pauperũ, vel diaconię exhibitionẽ percepisti, siue subinde perceperis erogandum, nulli vnquam hominum cogaris ponere rationem. Hos ego puto in libello Romani ordinis vocari patres diaconię.

S V B D I A C O N V S, quanquã ordinis subdiaconorum nulla in sacris litteris mentio extet: vetustissimus tamen is in ecclesia est, & sub ipsa apostolorum tempora institutus, de quo Ignatius in epistola ad Antiochenos meminit, qui salutat presbyteros, diaconum & subdiaconum. Hic antiquitus sacer ordo non erat, nec certo deputatus officio, nisi tantũ clericali, vel diuino: tunc enim in Missa nec euangelium, nec epistola cantabatur. Adiunctus autem fuit diaconorum adiutorio, quibus subministrabat. Fabianus papa Romę septem subdiaconos primus constituit, qui septem notarijs à Clemente papa institutis imminebant, vt res gestas martyrum in integrum colligerent: & cùm septem diaconi, vt ministrarent pauperibus Christianis, totidemq; notarij, vt martyrum facta describerent, per vrbes regiones sparsi essent, ipsi subdiaconi iuncti fuerunt. Ideo etiam ipsi subdiaconi regionarij vocati sunt, vt regionum, primę, tercię, quartę, & septimę: & præsertim postquã alij septem subdiaconi, qui, quod Missarum celebrationi in basilica Lateranensi per vices suas deferuissent, S. R. E. siue basilicarij subdiaconi sunt vocati, instituti fuerunt. Nam ecclesię maiestate aucta, subdiaconi ad epistolę lectionem, & ministerium Altaris acciti, & sacri ordinis participes facti sunt: & propterea regionarijs, qui per regiones diebus stationũ pontifici ministrabant celebranti, septẽ alij additi, & ad quartũdecimũ numerũ aucti, Ioannis subdiaconi regionarij regionis primę mentio est apud Bibliothecarium in vita Sancti Siluerij Papę. Hi porro S. R. E. subdiaconi basilicarij: quod pontifici certis officijs assisterent, & seruirent, vt in camera, in mensa, & in processione crucem ante ipsum deferrent: Palatini etiã subdiaconi dicti sunt. His in schola cantorum VII. alij additi, eorumq; numerus vnus & viginti factus. Quorũ primus Archisubdiaconus, Primus, vel prior subdiaconorum in libris Romani ordinis nuncupatur. Ex his porro subdiaconis oblationarius dicebatur, ad cuius vices ministerium pertinebat suscipere oblationes, pontificis Missam celebranti factas, & eas archidiacono præsentare. Stationarius verò erat is, qui hebdomada sua epistolam in stationibus, papa Missam celebrante, cantabat.

MANSIONARIUS, dictus est custos, & conseruator adium ecclesiasticarum, templorum, & altarium: item familiaris & domesticus, à mansione. Multi ex his erant in ecclesia Romana, quorum maior, primus mansionarius vocabatur: Vnius horum, & eiusdem muneris meminit D. Gregorius in libris Dialogorum. Hodie in multis ecclesijs extant, curamq; psalmodiæ, & altarium habent.

κόλυτρον

ACOLUTHVS, à Græcis dictus est, qui nullis minis ab instituto poterat reuocari. Quare Stoici Acoluthi dicti sunt, qui impium putabant, mutare sententiam. A Christianis hoc nomine dicti sunt ij sacrorum ministri, qui, quum ipsi sacris non operarentur, ab illis tamen non excluderentur. Dicti Acoluthi, quasi non prohibiti, à priuatiua particula α & κολύω, quod significat prohibeo. Hinc eorum, ministerium diuerfum fuit à diaconorum, & subdiaconorum, qui sacris communiabant, munere. Ministrabant porro episcopis & ecclesijs, in his, quæ ad sacra facienda pertinent, vt in parandis mappis & in altaribus, luminibusq; accendendis, & in ferendis ijs, quibus in sacris faciendis, vsus erat. Fuerunt multi in Vrbe Acoluthi, Palatini, vel S. R. E. qui Papæ ministrabant in Palatio, & Basilica Lateranensi. Regionarij, qui in regionibus diaconis seruebant. Stationarij, qui in stationibus Papæ celebranti præsto erant.

SVBPVLMENTARIUS, Quid eiusmodi voce veteres significare voluerint, haud certò scio. Nisi is Subpulmentarius fuerit, qui pauperibus ea elemosynarum genera è Palatio Pontificis distribuebat, quæ vel mensæ superfuerant, vel ad cibum pertinebant. Quod innuere videtur Bibliothecarius in vita Hadriani Papæ.

Is etiam Paracellarius dicitur.

PRIMICERIVS SCHOLAE CANTORVM. Quanquam tempore S. Syluestri papæ, & postea plures & magnæ fuerint in Vrbe basilicæ conditæ, nò tamen singulæ clericos, vel monachos speciatim habebant, qui in illis sacra officia celebrarent. Presbyteri enim titulus, diaconi diaconijs præfecti, suo quisq; tantum muneri vacabat: illi sacris administrandis: hi pauperum subuentioni procurandæ. Psalmodia verò quotidiana in omnibus ecclesijs tunc in vsu non erat: nam singulis Vrbs Basilicis redditus adhuc assignati non erant, quibus possent singula collegia canentium nutrire. Ideoq; schola cantorum instituta fuit, quæ Vrbi communis erat, & ad Stationes, processiones, singulasq; diebus eorundem festis, ecclesias Urbis còueniebat, ibique sacra officia, & Missarum solennia pontifice, vel presbytero celebrante, decantabat. Hæc schola còmunibus sumptibus vivebat, habebatq; magnæ in Vrbe dignitatis, & ex estimationis præfectum, qui Primicerius, alias prior Scholæ Cantorū vocabatur, cuius opera optimi iuuenes selecti in cantu, lectione sacrorū librorū, & optimis moribus instituebantur. Hinc origo Primiceriorum per alias orbis terrarū ecclesias cathedrales manauit, de quorum officio, & dignitate XXV. distinct. mentio est. Hanc scholam eam esse opinor, cuius initium scribit Bibliothecarius in vita Hilari Papæ sic: Hic constituit in Vrbe ministrationes (id est clericos) qui circumirent constitutas Stationes, id est, ministrando sacris, & psallendo. Quanquàm Ioannes diaconus lib. II. de vita S. Gregorij papæ ipsam hanc scholam S. Gregorium constituisse scribit: quod potius de eius quadam reformatione, siue restitutione intelligendum esse opinor, quàm de prima institutione, quæ longè ante fuisse necesse est. Sic autem scribit: Scholam cantorum, quæ hæctenus in ipsdem institutionibus in sancta Romana ecclesia modulatur, constituit, eiq; cum nonnullis prædijs duo habitacula, scilicet, alterum sub gradibus ecclesiæ Sancti Petri apostoli, alterum verò sub Lateranensis patriarchij domibus fabricauit, vbi vsque hodie lectus eius, quo recumbens modulabatur: & flagellum ipsius, quo pueris minabatur veneratione cògrua, cum authentico antiphonario reſeruantur. De hac schola cantorum huiusmodi Statutum reperi in libro peruetusto Romani ordinis: Pri-

nis: Primum, in quacunq; schola reperti pueri bene psallentes, tollantur, inde nutriantur in schola cantorum, & postea fiant cubicularij. Si autem nobilium pueri fuerint, statim in cubiculo nutriantur, & hanc accipiant potestatem ab archidiacono, vt liceat eis super lineum villosum sedere, quod mos est ponere super sellam equi. Deinde, sicut Sacramentorum codex continet, quando, & vbi fuerint, vsque in subdiaconatus officium ordinentur. Diaconi verò, atque presbyteri, nunquam, nisi in publica ordinatione. Schola porro cantorum in plures choros diuidebatur. Chorus autem (auctore Isidoro) propriè est multitudo canentium, inde dictus, quòd initio in modum coronæ circum aras starent, & ita cantores psallerent. In schola cantorum, post Primicerium, quattuor maiores reliquis erant, primus, secundus, tertius, & quartus scholæ vocati. Quorum tres primi paraphonistæ, quartus verò archiparaphonista dicebatur. Cuius officium erat Pontifici de cantoribus, quum quid opus erat, nunciare. Ita in libello Romani ordinis.

VICEDOMINI, qui & **MAIORES DOMVS**, à Pontifice Romano ex ordine cleri, & aliquando episcopali constituebantur: viri prudentes, & rerum gerendarum peritia insignes, quibus episcopij, vel patriarchij Lateranensis cura, & administratio committebatur, in gubernanda domo, hospitibus suscipiendis, & domesticorum Pontificis causis cognoscendis, vt liquet ex epistola B. Gregorij, ad Antonium diaconum, & Clementiam Patriciam. Bibliothecarius in vita Vigilij Papæ: Hic in Sicilia agens, remisit Romam Ampliatum presbyterum, & Vicedominum suum, & Valentinum episcopum S. Rufinæ, ad custodiendum Lateranum, & gubernandum clerum. Hinc in palatio Lateranensi locus erat, vicedominium vocatum, de quo idem Bibliothecarius, in vita Stephani iij. Qui & Vestiarij ibidem mentionem facit, qui Pontificis vestes Laterani custodiebat.

CANCELLARIVS, aliàs **BIBLIOTHECARIVS**, Is, qui Romanum Pontificem in chartis ecclesiasticis iuuabat, & Orientis Occidentisq; Synodicis consultationibus (vt D. Hieronymus in epistola ad Ageruchiam, de monogamia tradit) respondebat: quem antiqui scribam, à libellis: ab epistolis, epistolarum magistrum: nostro tempore secretarium vocant, Cancellarius, in ecclesia Romana appellabatur. Quam vocem à Flauio Vopisco, in Carini vita primum vsurpatam fuisse obseruauimus. Vnum (inquit) ex Cancellarijs suis Vrbi præfectum fecit. Hi quum à secretis, & libellis principum essent, scribendis quoque, ac custodiendis publicis rebus vacabant, & à cancellis, intra quos demandata sibi munera obeunt, permanebant, appellationem habuere. Quam rem in Epistolis Cassiodorus subinde explicat, qui hoc officium cancellorum decus ita nominat. Hoc igitur laudabile præiudicium, sententia gratiosa, militia domestica à XII. indictione cancellorum tibi decus attribuit, vt consistorij nostri secreta fidei integritate custodias, per te præsentandus accedat, per te nostris auribus desiderium supplicis innotescat, iussa nostra sine studijs venalitatis expedias, omnia quæ sic geras, vt nostram possis commendare iustitiam. Respice, quo nomine nuncuperis: Latere non potest, quod inter cancellos egeris. At cancelli lignæ, aut ferreæ crates sunt, inter se modicis intervallis in quincuncem positæ, quibus quum aer aspectusque admittatur, prohibetur accessus. His scænæ fenestræ, iudicum tribunalia scribarumque subsellia (à quibus cancellarij dicti) muniri solent. Chirius Fortunatianus antiquus scriptor, principum antiquorum & nobilium (vt nos hodie appellamus secretarios) olim cancellarios dictos refert. Omnium igitur scribarum, notariorum, & scriuariorum S. R. E. princeps cancellarius vocabatur: quod munus diu in ecclesia amplissimum fuit, & non nisi summæ auctoritatis presbyteris, & sæpissimè episcopis concedi solitum: qui quòd bibliothecarum etiam curam haberet, Bibliothecarius etiam dicebatur. Hic epistolas Romani pontificis nomine dictabat, Synodicis episcoporum

consultationibus respondebat, sacerdotum Romanorum decreta scribebat. A Cancellario dictus Vicecancellarius, qui Cancellarij vices gerit: de cuius officio, & dignitate librum singularem scripsi.

CAMERARIVS à camera, vox est recens inuenta. Archidiaconi enim S. R. E. officio Gregorij VII. papæ tempore extincto, in eius locum successit Camerarius: qui quod pecuniarum ecclesiasticarum, quæ in cameris conseruabantur, curam gereret, ita appellatus est. Est autem propriè camera testudo seu fornix, & ipsa pars superior: Item tectum deuexum, & recuruum, à forma testudinis, quasi camuræ, id est, curæ, vt inquit Seruius super III. Georgicorum: Camuris hirtæ sub cornibus aures. Camera etiam dicitur integra pars ædificij, parietes scilicet ipsi cum fornice.

PRIMICERIVS à cereo fit (vt auctores sunt Diuus Hieronymus, & Cassiodorus in epistolis) quoniam & Græcè *πρωτοκλεις* dicitur, quemadmodum & Secundicerius, quæ officia apud Ammianum Marcellinum inueniuntur, vt Primicerius protectorum, notariorum, domesticorum, & similium: idem autem sonat, quod primus. Caterum inter VII. antiquos Romanæ ecclesiæ officiales, primi, & nobilissimi erant, Primicerius, & Secundicerius S. R. E. ab officijs nomina sortiti. Hi papæ continuò assisiebant, quorum loca hodie tenent duo diaconi Cardinales primi, iudicesq; rerum Palatarum erant: à dextera leuaque pontificem in omnibus processionibus comitabantur, sine quorum consilio nihil quod magni momenti esset, pontifex transigebat: inde papæ Consiliarij dicti. Octauam super episcopos in matutinis festorum solennium lectionem legebant.

ARCARIVS ab arca pecuniarum, quas colligebat, & conseruabat, dictus est, qui tributorum, & vectigalium exactioni præerat.

SACELLARIVS, aliàs **SACCVLARIVS**, à sacello pecuniarum, quas erogabat, dictus. Is militibus stipendia, operarijs & familiaribus pontificis salaria distribuebat, & sabbato scrutiniorum elemosynam dabat, Romano quoque clero & populo presbyteria largiebatur. Hunc hodie Thesaurarius repræsentat. Cuius muneris Bibliothecarius frequenter in pontificum vitis mentionem facit. Dictus autem est à sacco Saccularius, vel à sacello, id est, paruo sacco saccellarius: quæ vox apud Augustinum extat in commentarijs Psalmorum: Ne amisso (inquit) iudicio pauperis in mala causa miseris, cuius si parcis sacello, percutis cor. Eam autem pecuniarum summam, quam Sacellarius vel Saccularius distribuebat, Rogam appellabāt: quæ vox sæpe in Bibliothecario legitur, & erogationem, munus, seu donatiuum, vel stipendium significat, ab erogando dicta.

PROTOSCRINIARIVS, is Scriniarijs præerat. Scriniarius porro à scrinio dictus est, quod est arca, qua seruantur preciosiora, & secretiora vt scriptiones. XII. porro in Romana ecclesia erant Scriniarij, qui scrinia publica scripturarum S. R. E. curabant, Epistolas à Cancellario, & protoscriniario dictatas scribebant, instrumenta, donationes, venditiones, & reliqua eiusmodi conficiebant. Horum munus cum notariatu plerunque coniunctum erat, vt infra dicam.

PRIMICERIVS DEFENSORVM. Gregorius (vt auctor est Ioannes Diaconus) remotis à suo cubiculo secularibus, clericos sibi prudentissimos consiliarios, familiaresque delegit, nemo laicorum quodlibet palatij ministerium, vel ecclesiasticum patrimonium procurabat: sed omnia ecclesiastici iuris munia ecclesiastici viri subibant: ob quod nonnulli procerū se sub obtentu religionis tonsurare ceperunt. Hæc consuetudo postea diu obtinuit in Romana ecclesia,

vt omnia ecclesiastica ministeria tum priuatim, tum publicè per solos clericos administrarentur: quare notarij, & defensores ex clericorum quoq; ordine sumebantur: quod tamè etiam ante S. Gregorium obseruatum à religiosis pontificibus videtur, vt ex rescriptis Zosimi, & Gelasij pontificum apparet. Quod autem fuerit defensoris officium, breuiter describitur à Pelagio in rescripto ad Antoninam Patriam, quæ postulabat monachum fieri defensorem, in quo ostendit officium monachi, & defensoris conuenire non posse. Illis enim (inquit) quies, oratio, labor manuum, atq; causarum cognitio, conuentiones, actus, publica litigia, & quæcunque vel ecclesiastica instituta, vel supplicantium necessitas poscit. Ex decreto Vrbani patet, procuratoris nomine intelligi quemlibet ecclesiasticarum rerum administratorem, vt verbi gratia, præpositum, oeconomum, vicedominum, defensoris nomine aduocatum, siue castaldum, & iudicem. Hos aduocatos, siue aduocatores dictos putato. Quorum quidam defensores sine adiectione, quidam defensores regionarij dicti sunt, quòd scilicet in singulis regionibus distributi essent. Quorum primus vel princeps, primicerius defensorum dicebatur, magnæ in ecclesia Romana existimationis.

ADMINICVLATOR ab adminiculando, idest, a diuando dictus. Septimus erat ex Romanæ ecclesiæ primis officialibus. Hic pro viduis, pupillis, & egenis afflictis, & captiuis procurabat: quod munus hodie pauperum aduocatus facit.

PRIMICERIVS NOTARIORVM. Notarius à nota dictus, vel à notando, quòd scribendo cuncta notaret. Clemens papa primus septem notarios, per totidem Vrbis regiones instituit, ad res gestas martyrum diligenter scribendas. Quibus notarijs septem subdiaconos ab se recens creatos imminere iussit Fabianus, vt accuratè munus suum implerent. Quibus ne, pace ecclesiæ parta, & martyrio sublato, desides essent: Iulius papa iniunxit, vt notitia, quæ omnibus fidem faceret, per eos colligeretur, & vt omnium monumentorum in ecclesia confectio, notariorum, & ipsius primicerij munus esset (ita enim ipso primus, quem aliquando cancellarij munus obijisse obseruaui, vocabatur) hæc autem, quòd ad cautiones, instrumenta, donationes, commutationes, testamenta, colligationes, & manumissiones intelligi voluit. Hi autem notarij, dicti sunt regionarij: quia per septem regiones distincti muneris suo vacabant. Quorum vltus diu mansit. Qui etiam inter cetera populo per Vrbem (vt hodie cursores faciunt) denunciabant, quando papa Litanias, idest, processiones, vel supplicationes facere, aut vbi Missam celebrare, vel stationem indicare constituisset. Aucto deinde notariorum numero, qui ex septem illis primis fuerunt notarij regionarij, vel protonotarij vocati sunt: reliqui notarij simpliciter. Notarijs porro munus suum promiscuè exercentibus additi sunt XII. scriniarij, qui rebus ecclesiasticis scribendis tantum, quæ à cancellario, vel protoscriniario pontificis nomine dictabantur, vocabantur, vt bullæ, priuilegia, actiones conciliorum, & similia. Frequentertamen accidit, vt vna persona duo hæc officia subiret, essetque scriniarius S. R. E. & notarius regionarius.

PRIMICERIVS IVDICVM. Multi in Vrbe iudices erant, qui de còtroversijs, & litibus populi Romani cognoscebant, quorum primus iudicium primicerius vocabatur.

NOMENCLATOR. Cuius in Romano ordine metio est, à nomine calando, idest, vocando, appellationem obtinuit, qui memoriter vnūquemque vocare didicit, vtputà in foro reos, in còuiuio còuiuas, quo sensu in ordine Romano accipitur.

SACRAE AEDES, ET EARVM PARTES.

ECCLESIAE. Vetusissimus, ac ab ipsis apostolorum temporibus mos in

religione nostra vſitari cœptus eſt, vt Chriſtiani homines, quocunq; orbis terrarum loco eſſent, ad res ſacras, quæ ad Chriſti fidem pertinebant, tractandas, & diuina myſteria celebranda, in vnum certum locum conueniri ſolerent. Cœtus autem illos publicos plurium fidelium in vnum congregatorum eccleſias voce Græca, id eſt, congregationes appellabant. Ioannes epiſt. III. Eijcit eos (inquit) ex eccleſia, ſeu cōgregatioue, & Paulus I. ad Corinth. XIII. Sicut ubiq; in omni eccleſia doceo, & cap. III. Mulieres veſtræ in eccleſijs taceant. Conuentus autem hos ſacros celebrare, ſic notare ſolebant apoſtoli. Conuenire ad audiendum ſermonem dei, Conuenire ad frangendum panem. Conuenire in vnum. Oportuit autē veteres Chriſtianos in locis, & ædificijs certis cōuenire. Sed ea priſcis eccleſiæ temporibus nō ubiq; fuerunt eiufdem generis. Nam tum in templo Salomonis Hieroſolymis, tum in ſynagogis publicis Iudæorum, tum in ſcholis, tum in priuatis diuerſorum fidelium ædibus, provt Chriſtianis initio commodius fuit, publicos conuentus, vt ex actis apoſtolorum conſtat, egerunt. Cæterum creſcente religione Chriſtiana, eaq; per vniuerſum ferè orbem terrarum ſeſe diffundente, tum Romæ, tum per omnes prouincias, ædificia aliquot publica, tenuia & exilia primùm, deinde pace eccleſijs à Conſtantino Imperatore, ſublatis impijs perſequutionum edictis, data, magnifica, & varijs ornamentis reſerta, extructa ſunt, quæ à congregationibus, quas in illis publicè Chriſtiani frequentabant, eccleſiæ vocatæ fuerunt, quō res continens appellatam à re cōtenta ſuſcepiſſet. Dicebantur etiam Dominica, ſiue Baſilicæ, & Tempſa Iudaico, & gentili more, quòd ad templorum, & baſilicarum gentilium ſimilitudinē ædificata eſſent. Vocabantur etiam Domus Dei, Domus orationis, oratoria, & martyria: quòd in his, & Deus à fidelibus deprecaretur, & Martyrum memoria ſacrofanctè coleretur. Romę quoq; præter ſupradicta nomina, Tituli, parœciæ, & diaconiz appellabātur, vt infrā dicā. Hæc ædificia per ſingulas vrbes pluria, aut pauciora, tam intus, quàm extra mœnia, ſecundū loci qualitatem magnifica, vel parua erant.

TITULI ſunt ſacræ ædes, templa, vel (vt hodie dicitur) eccleſiæ, ſiue ſacra loca in Dei, & Sanctorum memoriam erecta, & per Vrbs regiones à Romanis pontificibus antiquitūſ diſtincta, in quibus animarum cura à presbyteris in eiſdem commorantibus habebatur. Quibus qui præerant, presbyteri appellabantur Cardinales, id eſt, principales, ſimilitudine à quattuor ventis cardinalibus, hoc eſt, vt ait Seruius Grammaticus ſuper Vergilium, principalibus, deducta. Quum enim in uno quoque titulo plures eſſent clerici, qui ſacramenta populis exhiberent, vel exhibentibus præſto eſſent, vt ſubdiaconi, diaconi, presbyteri: is, qui omnibus præerat Presbyter, à cæteris clericis illius tituli, vel à Romano pontifice creatus, dicebatur Cardinalis: quòd omnibus dignior, principaliorue eſſet in eo titulo cōmorantium, cæterosq; clericos regeret, vel gubernaret in titulo ſibi commiſſo viuentes. De quorum origine breuiſſimè tractaturus, rem paulò altius repetam. Quum beatiſſimus apoſtolorum princeps Petrus Catholicæ Romanæ eccleſiæ Pontifex primus, ſacerdotio in Orientalibus eccleſijs, præcipueq; Hieroſolymis, & Antiociæ ritè inſtituto, in Urbem Romanam, eccleſiam fundaturus veniſſet, ex omnium fidelium multitudine, præcipuiſq; noſtræ religionis cultoribus, viros quosdam ſeniores, bonum teſtimonium ab his, qui foris ſunt, habentes, plenosq; Spiritu ſancto, & ſapientia, ſpectatæ fidei, & raræ probitatis, Hieroſolymitanæ, cæterarumq; eccleſiarum Orientalium more, delegit, (hi clerici appellati ſunt) quos per manuum impositionem, partim presbyteros, & partim diaconos conſecrauit: quorum opera pontifex ipſe, ſiue epiſcopus Romanus, in inſtruenda, creſcente tunc eccleſia, vteretur: quum ei tot millibus hominum ad fidem Chriſti quotidie venientium, conſulere non eſſet integrum. Porro autem presbyterorum, & diaconorum munia, vt pro ſe quiſque ſuum officiū & noſceret, & impigrè

pigrè faceret, diuidere in primis conducibile visum fuit. Itaq; summam rerum, animarum scilicet curandarum, negocium Presbyteris commisit, vt sacramenta ecclesiastica plebi Dei administrantes, orationi, & ministrationi verbi cum episcopo vacarent. Diaconis autem viduarum, pupillorum, & reliquorum pauperum fidelium subueniendorum curam demandauit, eisq; iniunxit, vt presbyteris quoque sacramentis præsto essent. Quorum omnium numerus, quum prius modicus, & incertus esset, ei modò statuere Cletus, & Euaristus Romani pontifices. Cletus enim (vt auctor est ex Damaso Bibliothecarius) presbyteros ad certum numerum redegit. Euaristus verò apostolorum more ad septenarium numerum Diaconos in Ecclesia Romana auxit: quibus etiam iniunxit, vt episcopum prædicantem, propter stylium veritatis, custodirent. Porro autem, ne presbyterorum administratio in promiscuo esset, idem Euaristus, qui tertius post beatum Petrum apostolum Romanus pontifex fuit, circiter annum à Christo nato centesimum, titulos vel (vt nunc dicimus) parœcias in Vrbe Roma ipsis presbyteris diuisit, vt singuli à se inuicem secreti, in sua Vrbs regione, titulo, vel parœcia, confusionis tollendæ causa diuina mysteria, populū erudientes, sacramenta Dei omnibus ad se venientibus fidelibus exhiberent, singulosq; presbyteros in vnoquoque titulo posuit. Sufficere enim tum visum est is numerus, propter credentium paucitatem. Verum non longè post fidelium quotidie crescentium multitudine, permotus Hyginus Romanus Pontifex, quum tot credentibus non sufficerent, hi, plures in vnoquoque titulo, quum clericos, tum presbyteros esse voluit. Hinc autem presbyterorum Cardinalium nomen mansisse crediderim, vt is scilicet esset presbyter Cardinalis, id est, principalis, qui cæteris presbyteris eiusdem tituli (quos plures ab Hyginio factos fuisse dixi, quum prius vnus tantum per singulos titulos Presbyter fuisset) præfesset. Satis enim constat, aliquot annis post, ante etiam S. Siluestri Papæ tempora, Cardinalis nomen in ecclesia Romana vsitari coeptum fuisse: quod non nisi ex Hyginij instituto oriri potuit, quum antea eo nomine vt opus non esset, quod non, nisi vnus per singulos titulos presbyter fuisset. Post Hyginij tempora in presbyterorum Romanorum titulis nullam mutationē factam inueni, vsque ad Dionysij papæ pontificatū. Nam sub annum Christi CCLX. Dionysius XXV. post Petrum apostolum pontifex Romanus Euaristi exemplū sequutus: quū iam religio Christiana mirū in modum in Vrbe creuisset, denuo titulos, vel parœcias in Vrbe Roma, quum eas ampliasset, Presbyteris diuisit, ipsasq; quod quisq; suis finibus, limitibusq; contineretur, distribuit, pluribus per singulas, vt Hyginus fecerat, presbyteris constituit: presbyterorum quoq; ecclesiæ Romanæ curæ, coemeteria adiunxit: quæ, quum plura essent, ea inter presbyteros distribuit gubernanda, vt martyrum sepulchris consultum esset. Verum non longè post circa annum Christi CCCV. Marcellus XLIX. post Petrum apostolum Romanus episcopus titulos Vrbs Romanæ, ab Euaristo antiquitus, & primò presbyteris datos, numero limitauit, decreto statuens, XV. alias XXV. in Vrbe Roma quasi diœceses esse ad Baptismatis commoditatem, eorumq; opportunitatem, qui ad fidem ex gentibus quotidie veniebant, quin vt etiam martyrum sepulchris consuleretur, vt auctor est ex Damaso Bibliothecarius. Titulos autem Romanos, siue parœcias, cessantibus persequutionibus, adauxere, presbyterosq; plures in singulis constituit: Syluester, qui titulum Equitij: Marcus, qui titulum S. Marci: Iulius, qui titulum S. Mariæ Transyberim: Damasus, qui titulum Sancti Laurentij: Innocentius, qui titulum Vestinæ fecerunt, & reliqui pontifices Romani. Quum enim primò infinita gentiliū multitudo, mox Vrbs, & Italia omnis fidem Christi suscepisset, nō sufficientibus XV. Titulis, nec his, qui in eis residebant, presbyteris, tum ob necessitatē, tum ad Vrbs, & Romanæ ecclesiæ ornamentū, & maiestatem, &

Titulorum, & presbyterorum in vnoquoque numerus auctus est: factique sunt tituli. XXVIII. quem numerum nunquam excessisse usque ad nostra tempora satis constat. Qui omnes, quum ecclesiarum essent, vel templa Diuis dicata, nomen sortiti sunt, vel à sanctis, quibus dedicati erant, vt S. Chryslogoni, S. Cæciliæ, S. Anastasiæ, S. Marci, & similibus. Vel ab eis hominibus, qui ipsos erexerunt, vt Callisti, Damasi, Equitij, Pastoris, Vestinæ, Eudoxiæ, Lucinæ, Tigridæ, Pammachij, & similibus. Porro autem XXVIII. Titulorum numerum circa Innocentij primi, vel Zosimi papæ tempora expletum fuisse multis coniecturis, & rationibus ductus crediderim. Neque enim facile post Zosimum papam inueniri potest, aliquem Romanorum pontificum titulum quendam nouum addidisse, sed eos, vel mutasse, vel restituisse, aut tantum exornasse.

PAROECIA, siue PAROCHIA, idem est, quod titulus, scilicet sacra ædes, vbi animarum cura à presbyteris gereretur: qui pastori dicti sunt, id est, curati. Paroecia autem dicitur accolarus, siue accolarum conuentus, sacraque vicinia: nam παρὰ iuxta, & οἶκος domus: vbi scilicet sunt domus contiguae. Augustinus lib. XIII. de Ciuit. Dei, Presbyter fuit quidam nomine restitutus in paroecia Calamensis ecclesiarum. Et paroeci sunt accolæ. Quare, qui sacram ædem aliquam accollunt, paroeci dicti sunt, eiusdem scilicet fani consortes. Latine curia, & curiales, & curiones dici possent. Qui parochem vocant, eam vocem à parocho deducunt, ἀπό τοῦ παρῶ, hoc est, à præbendo. Erant enim parochi, qui legatis Romam publicè venientibus, ceterisque alicuius dignitatis hospitibus saltem, & ligna præparabant, vt exponit Acron super illud Horatii I. serm. satyra V. Tum parochi, qui debent ligna saltemque. Hi Latino vocabulo copiarum dicti sunt, vt auctor est Porphyrio: quod omnium rerum necessariarum copia regum populorumque legatis suppeditabant. Nam quamuis Horatius loco iam citato salis tantum, & lignorum meminerit; tamen, vt ibidem animaduertit Acron, sub illarum specierum appellatione, omnia hospitibus necessaria, voluit intelligi. A parocho paroecia dicitur, quibus singulis sacerdotes sui destinati sunt ad oblationem scilicet sacrosancti corporis, & sanguinis Christi, sub panis, & vini speciebus.

DIACONIAE à diaconis dictæ sunt. Erant hæ publicæ pauperum hospitalis domus, quæ oratoria, & sacella adiuncta habebant, in quibus à patre diaconie, siue diacono egenis necessaria subministrabantur. Nam diaconi inopia laborantium viduarum, & pupillorum ministri erant, hisque domibus hospitalibus præerant. Antiquitus in Romana ecclesia per singulas Urbis regiones diaconi distincti erant, diaconi quæ regionarii vel talis, & talis regionis appellabantur. Post eorum præcipuo vsu exolescente, & hospitalibus domibus ipsorum negligentia dirutis, ipsorum sacella, vel ædicolæ superfuerunt, quæ diaconiarum nomen retinuerunt: à quibus diaconi Cardinales Urbis Romæ postea denominationem habuerunt, sic, Diaconus cardinalis SS. Cosmæ, & Damiani, vel S. Theodori.

XENODOCHIVM idem est, quod domus publica hospitalis, quæ peregrini hospites, & egeni hospitaliter recipiuntur. Hieronymus Xenodochium in portu Romano situm totus pariter mundus audiuit. His qui præerat, Xenodochus dicebatur.

MONASTERIA à solitudine dicta, quæ olim in locis abditis, & ab hominum commercio procul remotis condita solebant ijs hominum cæcibus alendis, qui etiam à solitudine monachi dicti sunt, vbi contemplationi vacantes soli commorabantur.

GREMIVM BASILICAE vocat Bibliothecarius, medianam basilicæ partem, quam nos maiorem naui dicimus.

CAMERA. Bibliothecarius in vitis pontificum Romanorum frequenter basilicarum

ficatum variarum Cameras proficitur, vt Lateranensis, & aliarum, quas etiam ab ijsdem pontificibus exornatas scribit. Eas opinor ego fuisse sacraria, vel quid eiusmodi basilicis adiuncta.

ABSIS, siue APSIS, propriè est curuatura rotæ, id est, lignum super rotas tenens scalas, vel in quo figuntur radij, vel ligneus rotæ circulus, quo significatu alij primam aspirant sic, Hapsis ab *ἄπτεω*, id est, à tangendo, quòd ea pars, quum tota voluitur, terram contingat. Hoc etiam nomine significatur fornix curuatura, & aliquando integra fornix. Hinc ecclesiastici scriptores, quam nos ecclesiarum tribunam vocamus, habsidem vocant.

CONFESSIO, quod verbum in Bibliothecario, & alijs ecclesiasticis scriptoribus frequentissimum est, idem apud Latinos significat, quod apud Græcos martyrium. Hi enim ecclesias Deo priuatim dicatas dominica, martyrabus verò martyria vocabant, hoc est, in quibus martyrum corpora iacerent, aut eorū memoria coleretur. Hinc basilicam Vaticanā Apostolorū martyriū vocat Ioannes Chrysostomus. Quia verò martyr Græcè, Latinè à Cypriano confessor, siue testis exprimitur, à confessore Confessio manauit, vt à martyre martyriū. Est verò cōfessio ecclesia, in qua confessorū, hoc est, martyrum memoria coleretur. Quos enim nos modò martyres, veteres patres, in his Cyprianus, cōfessores appellant, quòd in tormentis citra mortem intrepidī Christum confessi essent, epist. VII. lib. II. Cleri Romani ad Cyprianū episcopum. Quanquā confessorū quoq; quos hic adhuc in carcere dignitas suæ confessionis inclusit. Item epist. VI. lib. II. Cypriani ad martyres, & confessores: Exulto letus, & gratulor fortissimi, ac beatissimi fratres, cognita fide ac virtute vestra, in quibus mater ecclesia gloriatur, gloriata & nuper quidem cum confessione perstante suscepta pœna est, quæ confessores Christi fecit extorres. Confessio tamen præfens quantum in pafsione fortior, tantum clarior, & maior in honore est. Creuit pugna, creuit & pugnantium gloria. Nec retardati estis ab acie tormentorū metu, sed ipsis tormentis magis estis ad aciem prouocati, fortes, & stabiles ad maximi certaminis præliū prompta deuotione prodijstis, ex quibus quosdā iam cōperi coronatos, quosdam verò ad coronam victoriæ proximos, vniuersos autem quos agmine glorioso carcer inclusit, pari ac simili calore virtutis ad gerendum certamē animatos, sicut esse oportet in diuinis castris milites Christi, vt incorruptam fidei firmitatem non blanditiæ decipiant, nō minæ terreant, nō cruciatus ac tormenta deuincāt, quia maior est, qui in nobis est, quàm qui est in hoc mundo: & alibi passim, qui Christū in tormentis & carcere, citra mortē tamen confessi fuerant, modò confessores voce Latina, modò etiā voce Græca martyres appellat. Antiquitus igitur confessio idem erat quod martyrium, scilicet ecclesia in martyrum honorē consecrata. Nunc verò in omnibus totius orbis terrarum Christianorum ecclesijs, quæ duplices sunt, superior scilicet, & inferior (quales multæ per totam Lombardiā & Italiā, Romæ etiam modò extant, & plures extabant) appellatur vq; hodie inferior ecclesiæ pars sub altari maiori edificata, vt Parmæ in cathedrali, Veronæ ad Sanctum Stephanum, Romæ ad Sanctam Priscam, S. Martinum in Montibus & alibi. Earum similitudine confessio dicitur locus imus sub gradibus, & altari maiori ecclesiarum S. Petri, S. Pauli, Lateranensis, S. Laurentij extra muros, S. Mariæ Maioris, & aliarum. Quæ confessio non sine materiali ecclesia fit. Quod etiam probatur capite vigesimo Concilij Gangrensis, sic: Si quis superbiæ vsus affectu conuentus abhominatur, qui ad confessiones martyrum celebrantur, & ministeria, quæ in eis fiunt, simul cum eorum memorijs execratur, anathema sit. Ita vna versio. Alia verò quæ per confessiones martyrum intelligit, apertissime exponit basilicas Sanctorum martyrum. Sic enim ait: Si quis per superbiā tanquam perfectum se existimans, conuentus, qui per loca

& basilicas sanctorum martyrum sunt, accusauerit, vel etiam oblationes, quæ ibidem celebrantur spernendas esse crediderit, memoriasq; Sanctorum contemnendas anathema sit. Anastasius Bibliothecarius in vita Xysti III. papæ: Xystus papa (inquit) fecit confessionem beati Laurentij martyris cum columnis porphyriticis, & ornauit transcenam. Fecit quoque ibi ad confessionem, altare S. Laurentij de argento purissimo librarum quinquaginta, cancellos argenteos supra Platonias porphyreticas librarum CCC. absidam super cancellos, cum statua beati Laurentij argentea librarum ducentarum.

AMBO dicitur suggestus, seu pulpitum marmoreum, ex quo lector, seu diaconus lectionem, seu euangelium recitabat. Quos multos & magnos, & pulcherri-
mis tabulis marmoreis ornatos per Vrbes ecclesias, & præsertim apud S. Paulum videmus, quem locum D. Cypriani lib. III. epist. V. honoris causa tribunal quoddam ecclesiæ appellauit: ab ambiendo dictum volunt, quod locus ille vtrunque gradibus ambiatur. Nam in quibusdam ecclesijs duo graduum ordines visuntur, vnus à sinistris, quo fit ascensus versus Orientem, alter à dextris Occidentem spectans, quo fit descensus. In quibusdam verò alijs ecclesijs Diaconus vna, subdiaconus altera via in pulpitum, seu ambonem conscendit. Expositor Romani ordinis Ambonem hanc appellationem ideo habere tradit, quod ambiat, & cingat intrantem. Sed verius est Græcam esse vocem ἀμβων, quæ inter cætera, significat ascensum, & locū editum, à verbo ἀναβαίνω, quod est ascendere. Capite X V. Concilij Laodicensi, quod Græcè est τὸ πρὸς τὸν ἀμβωνα ἀναβαίνοντων, Latine legitur, qui pulpitum ascendunt.

SACRARVM AEDIVM ORNAMENTA.

PATENA, siue PATINA, est genus vasis, à patendo dictum, quo dapes in mensam feruntur. Dicta à Columella patena lib. XII. cap. XLIII. Columella (inquit) patruus meus, ex ea creta, qua sunt amphoræ, lata vasa in modum patenarū fieri videbat. Harum vsus in primitiua ecclesia in oblatione corporis Domini institutus, adhuc vsq; perseverat. Illud interest, quod hodie parua, antiquitus magnæ conficiebantur ex auro, & argento, vt Eucharistiam pro tanta multitudine suscipere capaces essent.

CALICES. In vitis pontificum Damasi, & Bibliothecarij, & præsertim in vita S. Siluestri frequenter mentio est calicum maiorum, & minorum, & ministerialiū, quos pontifices, & Imperatores, in his præsertim Constantinus in ecclesijs ab se constitutis, aureos & argenteos contulisse leguntur. Ministeriales ideo dicti, quod administrando sanguinem Christi populo deseruirent. Remigius archiepiscopus Remensis, quum eiusmodi calicem ministerialem fieri iussisset, in ipsius circuitu hosce ab se ditos versiculos posuit:

*Flauiat hinc populus, vitam de sanguine sacro
Iniecto, æternus quem fudit vulnere Christus,
Remigius reddit domino sua vota sacerdos.*

AMVLAM, alias AMAM, quidā interpretantur phyalē ad vrceoli similitudinem. Certè quo loco III. Regum VII. Græcè legitur φιάλας, noster interpretes vertit amulas. Expositor ordinis Romani: Amula (inquit) vas est, in quo vinum offertur: cuius generis vasa fusilia fecit Rex Solomon DCCC. sicut Iosephus testatur, etc. Sed in gestis pontificalibus legitur religiosos quosq; Imperatores, principes, atque pontifices tantum numerum, de amulis, atque patinis, seu alijs vasis atque ornamentis ecclesiasticis ad honorem Dei obtulisse illi, atque illi ecclesiæ, quanta possibilitas fuit vnicuique pro sua deuotione. Nonnunquam, & amæ dicuntur, & per aspirationem hamas nonnulli legunt. In vitis Pontificum Bibliothecarij frequenter legitur

legitur, hamas argenteas, & aureas donatas ministerio diuino. Hinc hamula, & hamulula deducta. Columella in cultu horticorum,

Sus habilem symphibis hamulam Bacchi ue lagenam.

Hodie etiam hamula ab Italis dicitur vulgo vasculum vitreum ad vsum aquæ, & vini, & præsertim in sacrificio missæ.

COLATORIVM, hoc erat vasculum quoddâ subtilissimis foraminibus ab imo perforatum, quo vinum ex hamulis calicem refundebatur.

PUGILLARE Sinter instrumenta sacra, quæ Pontifici ad stationem procedenti præferrebantur, numerantur pugillares aurei siue argentei. Videtur autem ætas pugillarium nomine intellexisse stylos, seu graphia, siue etiam pennas, vel calamos, quibus litteræ deformantur, & ex hac similitudine fistulas, seu cannas, quibus sanguis, à Dominico calice exugebatur, quum propriè pugillares sint ipsæ tabulæ, in quibus scribi consuevit, quæ Græcè *πινάκιδρα* dicuntur. Eiusmodi pugillarium seu fistularum argentearum, & aurearum, quum hæ antiquitus cuncto populo in communionem sanguinis Christi deseruirent, hodie solus Romanus pontifex vsum adhuc obseruat.

SCYPHI, METRETAE, HYDRIAE, sunt vasa diuino ministerio ab Imperatoribus, & pontificibus oblata, quæ frequenter Bibliothecarius commemorat. Scyphus autè vasis potiorij genus erat, quod propriè Herculi attribuebatur, quem admodum Cantharus Libero patri: Quo veteres in sacris & in conuiujs vsi sunt. Vergil. III. Aeneidos: Et sacer impleuit dextram scyphus. Horat. epod. IX. Capaciores affer hic puer scyphos. Metreta etiam genus vasis fuit, constans ex duobus batibus, id est, decem congios, vel sexaginta sextarios comprehendens. Et quod Dioscorides metretam vocauit, Plinius cadum transtulit. Alij metretam amphoram dicunt. Hydria verò vas aquarium erat, à Græca voce *ὑδρία*, id est, aqua, dicta.

THYMIA MATERIVM, quod Latine Acerra dicitur, vas erat, in quo odores suauissimi thymi, herbæ odoratæ, naturam referentes in sacris, incendebantur.

PELVIS, quasi Pedaluis (vt Varro inquit) à pedum lauatione vas dictum. Alij peluim à pellucendo dictam tradunt, putantq; sinum esse aquarum, in qua variæ res pelluntur. Luuenalis satyra III.

Vt sint contenta patulas effundere pelues.

Veteres Christiani vasa, quibus in baptismo utebantur, pelues appellabant.

PHARA, Damasus, & Bibliothecarius in Romanorum Pontificum, & præsertim S. Siluestri vita, phara carchara, cerostota, coronas, delphinos, lychnos, & lychnucos, pro diuersi generis lampadibus, & lucernis in ecclesijs ardentibus, acceperunt.

Pharus igitur insula, & turris amplissima in portu Alexandrino sita erat saluti nauigantium condita, quæ nocturnis ignibus portum ijs monstrabat. Solinus scribit, ab hac turri pharos, pharos postea vocari machinas in portibus ad præluendum ministerium fabricatas: quoniam ex hac pharo Alexandrina, naues nocturnis facibus accensis, dirigebantur. Papinius,

Lumina noctuagæ tollit pharus æmula lunæ.

Hegesippus lib. III. tradit à Græcis Latinisque pharon appellari ex ipsius rei vsu, eo quod longè videatur à nauigantibus, atque *ἀπόρρῳ φάρω*, quod significat lucidum, & immutata littera pharos dicitur. Hinc hodie triremium Lanternæ fanones & fanales vocantur, & turres in portibus Neapolitano Messinensi, & Genuensi lumina nocturna sustinentes, Phari dicuntur. Ecclesiastici igitur scriptores hac voce suggestus aureos, & argenteos in modum turrium, vel columnarum vocabant, quibus annexi erant certum lychnuchorum genus, quod Delphinum vocabant. Ita enim scribitur: Fecit pharum vnum cum X. delphinis. Pharum porro

etiā coronam vocabant, fortē quōd rotundus esset. Fecit, inquit Bibliothecarius, coronam, id est, pharum cantharum, cum delphinis quattuor oleo ardentibus, ubi illud animadversione dignum est, quōd quanquam idem ferē esse lychnuchum, & delphinum dixerim, nonnihil tamen inter se differre opus fuit. Nam delphini ardentes, cum pharis cantharis, vel cum coronis coniunguntur: lychnuchi verō cum lucernis. Cur autem pharus cantharus dicatur, haud certō scio, nisi in formam vasis magni factum fuerit in extrema parte. Nam poculum fuit, quod Baccho tribuebatur, sicut scyphus Herculi dictus à cantharo, quod erat nauigij genus. Plinius libro XXXIII. cap. XI. refert Marium post victoriam Cimbricam cantharis potasse, Liberi patris exemplo. Virgilius,

Et grauis atrita pendeat cantharus ansa.

Vlpianus tradit cantharos esse, per quos aquæ saliant.

Præter pharum cantharum, in eodem ferē significatū Bibliothecarius enumerat Ceroftota, & canthara ceroftota, quæ lucernæ fortē erant in modum cornu factæ à *κεῖρας*, quod est cornu, dicta. Vt autē delphini coronis, & pharis cantharis ardentibus attribuantur, sic lychni, vel lychnuchi lucernis. Est enim lychnus Græcè, Latinè lucerna. Sed Bibliothecarius lucernā pro lychnorum sustentatione, siue can delabro accepit. Lychnum verō seu lychnuchum pro lampade ipsa ardente.

GEMELLIONES aurei, & argentei dicuntur, qua voce, quid significari possit, nisi vrceoli, vel ampullæ sint, non inuenio.

SACRARVM VESTIVM GENERA.

ANABOLAGIVM, aliàs ANABOLADIVM, à verbo Græco *ἀναβάλλω*, quod est supra iaceo, vel reijco, appellabāt amictum album lineum: qui, quōd humeris imponeretur, superhumerales etiā vocabatur.

ALBA, scilicet vestis, vel camisia, hodie dicitur Camisum.

CINGVLVM à cingendo, corda, qua Pontifex cingitur.

ORARIVM vocabāt eam fasciā, quā nos stolam dicimus: alij velum, cui Rō manus pontifex, & archiepiscopi palliū super humeros imponunt, orariū vocant.

MAPPVLAM verō, quam hodie manipulum appellamus, quæ à mappa, qua manuum sordes in mensa abstergimus, dicta est.

COLOBIVM est vestis sine manicis, ac mutilata, à *κολοβή* verbo Græco, quod breue, mutilatum, truncum significat, dicta. Qua olim virgines utebantur, & sancti patres, vt Paulus Heremita. Expositor Romani ordinis in candidissimo (inquit habitu) colobionis, quo vel apostoli, vel apostolici viri vsi sunt, quum culparetur à quibusdam nuditas brachiorum. Silvester papa instituit, vt in ecclesiastico ministerio diaconi delmaticas, id est, tunicas manicatas, & candidas induerent, quales testatur Isidorus episcopus in Delmatia primū contextas, qua etiā vsi sunt veteres. Lampridius in Commodō, Delmaticatus in publicum processit.

CASVLA, aliàs PLANETA, genus vestis, in sacris à Christianis sacerdotibus vsurpata, à *καὶ τοῦ ὁ λάτρε*, id est, ab errore, dicta. Quoniam quum latissimo initio, & sine manicis esset, eius limbus super brachia, & scapulas proiectus, errabundus totū corpus circumiret. Hodie ab vtraque parte concisa, antè & retro tantū producitur vsque ad talos.

PALLIVM est fascia ex candida lana contexta, habens desuper circulū humeros constringentem, & duas lineas ab vtraque parte dependētes quattuor purpureas cruces, antè, retrò, à dextris & à sinistris: duplex quidē à sinistris, simplex à dextris, cui in tres partes cōciso, tres acus infiguntur, quibz cōsuevit. Quæ omnia moralibus sunt repleta mysterijs, quorū explicationē vide apud Innocentiū III. lib. X. cap. XII. de sacro altaris mysterio. Dictū autē est, vt puto, à verbo Græco *πέλλωμαι*, quod est vibror, agitor: nā circū collū super humeros vibrabatur, agitabatur, circūuoluebatur. In

In VIII. Synodo Constantinopolitana IIII. posteriore sub Ioanne VIII. papa celebrata Sessione prima pallium vocatur ^{ἡ ἀρχιεπισκοπική στολή}. Hoc est, pontificalis stola. Vbi illud scitu dignum, quod in ea synodo exponitur, quomodo Ioannes VIII. papa Photio mittebat palliū & Sandalia, vt ostenderet se eum in patriarchali Constantinopolitana sede suscipere. Vbi sunt hæc verba: Quod Dominus noster Apostolicus admittit Dominum Photium in patriarcham, testatur pontificalis stola à summo pontifice Domino nostro Ioanne ad eum missa, quam propterea direxit, vt omnes intelligant, & certo sciant, Dominum Photium recipi à summo pontifice in patriarcham: cumq; hoc dixisset, dedit Photio pontificalem stolam, humerale indumentum, penulam, & Sādalia. Paschalis II. papa: Pallium (inquit) est insigne archiepiscopalis dignitatis, quod assumitur de corpore, id est, de altari B. Petri, in signum vnitatis apostolicæ sedis. Quod archiepiscopo electo apostolica sedes non tradit, nisi prius præstet pro fide, obedientia, & vnitatis iuramentum. Antiquitus candidi agni sine macula nutritiebantur à monialibus albis S. Andreae prope S. Marcellum de Vrbe, postea ea cura ad moniales S. Hagnetis extra Urbem via Nomentana translata fuit: hodie est monialium turris speculi. Qui dominica in albis circuibant altare S. Petri. Ex eiusmodi agnis sumitur lana, de qua per easdem virgines pallia texuntur, quæ Papæ & archiepiscopis per manum primi diaconi initio ipsorum promotionis dari solent. Qui nisi accepto pallio, neminem episcopum consecrare possunt. Eo etiam, præter archiepiscopos, vtuntur episcopi quidā ex priuilegio, vt Lucensis, & ex decreto Marci papæ Ostiensis, in consecratione Romani pontificis. Gregorius papa vetuit aliquid pro susceptione pallij solui. Quod decretum confirmarunt Leo II. & Urbanus II. summi pontifices.

MITRA, seu MITHRA, à Persis sol dicitur, aliquando pro primario sacerdote ponitur, vt apud Apuleium lib. vltimo, ipsumq; Mithram illum suum sacerdotalem præcipuum sacrorum ministrum decernit. Mitra etiam sine aspiratione significat quoddam capitis ornamenti genus, quo primum Mæconij, deinde Aegyptij, Syri, Phryges, Lydij, & Persæ vsi sunt. Erat autem pilæum acutum. Accipitur & pro muliebri corona, ad ornatum capitis adulescentularum, ex qua pendebant fasciolar, quæ phylla dicebantur, quodd florum instar dependere. Virg. IX. Aeneid. Et tunicae manicas, & habent redimicula mitra.

Episcopi Christianorum mitra vtuntur, quum rei diuinæ operam dant, quæ pileus lineus, vel è serico albo est, in altum porrectus, & in duas cuspides diuisus. Fiunt mitræ aureæ vnionibus, & gemmis ornata. Quarū vsum in Romana ecclesia non ante sexcentos annos esse opinor.

OFFERTORIUM, syndonem sericeum, seu linteamen significat, in quo populi oblationes reponerentur, ab offerendo dictū. A quo etiam ea Missæ pars vocatur offertorium, quæ dicebatur tempore oblationis.

FANON etiam appellabatur linteamen illud, quæ vox Germanica esse videtur, à quibus vela illa ex hastilibus dependentia fanen vsque hodie appellantur. Guilelmus Durātes, cum fanone candido exponit cum mappula alba, & nitida. Hodie Veronæ in patria mea linteamina sericia, & depicta ex hastis dependentia, & in suplicationibus deferri solita, confanones vocantur.

NACVS pro naccho intellexerunt veteres Christiani Romani pannum laneum rubrum, quo equorum sellam dum pontifex equitabat, cooperiebant, à verbo Græco ^{νάκος} ^{νάκος}, quod lanam siue vellus significat, deriuatum.

DE STATIONIBVS VRBIS ROMAE LIBELLVS.



Vum stationum rei in Vrbe notissimæ, admodum obscura initia sînt, non alienum quoq; à meo instituto fore existimaui, si breuiter, quæ de stationibus collegi, in medium adferre. Atqui vt à vocis significatione initiũ sumam: Statio propriè dicitur ipse standi actus, vnde omnes de quibus mox dicã, significationes fluxere. Nam primũ statio dicitur locus, in quo naues aut milites tuto ad tempus stant, vel in quo frequẽter consistunt. Id autem ex Virgilij Æneidos II. & XII. atque è Q. Curtio intelligitur. Ille.

Nunc tantum, sinus & statio malefida carinis. Item:

Frangere nec tali puppim statione recuso.

Item: cognitum id per exploratores, qui stationes hostium fuerant ingressi. Hinc metaphoricè statio pro temporaria habitatione accipitur. Cicero ad Atticum lib. VI. Athenis statio mea nunc placet. Sumpta est hæc translatio à loco littorali, vbi naues ad tempus subsistunt. Statio etiam appellatur locus ad custodiam assignatus, quando milites stantes vigilant. Virg. Æneidos lib. IX.

Semantq; vices statione relicta.

Hinc milites stationarij. Statio quoque dicitur officina, in quam multi conueniũt, vt de aliqua re decerni possit, vel vt ius dicatur. Gell. lib. XIII. cap. XIII. Quæsitum esset emini in plerisq; Romæ stationibus, ius publice dicentium. Et Iuuenalis Satyra XI. omnis conuictus, thermæ, stationes omne theatrum. Stationis nomen vel à militia Romana, vel ab alia harum significationum tractum, & usurpatum, vt alia multa in Christianorum veterum vsu hæsit. Nam quemadmodum milites stationem faciebant stantes, & præsidium certo in loco agitantes, ita & Christiani. Tertullianus libro de oratione: Si statio de militari exemplo nomen accipit (nam & militia Dei sumus) utiq; nulla lætitia sine tristitia obueniens, castris stationes militum rescindit. Et in libro de ieiunio aduersus Psychicos: Venit de exitu domini, quem etsi semper commemorari oportet sine differentia horarum, impressus tamen cum eis secundum ipsum stationis vocabulum, addiscimus. Nam & milites nunquam immemores sacramenti magis stationibus parent, &c. Stationis enim voce significabant antiqui Christiani actum quandam corporis, quo in facris conuentibus orantes stabant, nunc in hac basilica, nunc in alia convenientes, nonnunquã apud martyria, id est, martyrum sepulchra, Deum stantes, & attenti precabantur, quod præcipue fiebat Dominico die. Tertullianus in libro de corona militis, de milite Christiano loquens: Iam (inquit) & stationes aut alij magis faceret quàm Christo, aut & Dominico die quando nec Christo? Quæ vt accuratius intelligantur, illud scitu dignum est, apud veteres Christianos inter plura duo fuisse comprecationum genera: Primum, cum genibus flexis: alterum, cum stantes orarent. Historia de legione Fulminatrice Christiana in expeditione Germanica M. Antonini, quæ exercitui in ardentissima siti pluuiam precibus à Deo (Tertulliano teste in Apologetico & ad Scapulam) impetrauit, indicant, orantes genibus flexis prouoluisse se in terram, eumque orandi ritum antiquissimum, & certissimum fuisse omnibus sæculis apparet. Clemens ultimo Stromatum refert, orantes solitos abijcere sese in terram: quod de geniculis adorare, in libro de Corona militis, & geniculatio in libro ad Scapulam vocat Tertullianus. Quando non (inquit) geniculatio- nibus & ieiunationibus nostris etiam siccitates sunt depulsa? Idem testatur Origenes homilia IIII. in Numeros. Aliud porro precandi genus erat, cum stantes orabãt: quod

quod de geniculis non adorare vocatidem Tertullianus, quem orandi morem die dominico, & per totum id tempus, quod inter Pascha & Pentecosten est, usurpabatur. Tertullianus in libro de corona militis: Die dominico ieiuniū nefas duximus, vel de geniculis adorare. Eadem immunitate à die Paschæ in Pentecosten vsq; gaudemus. Quamobrem preces illæ stationes vocantur, quarū subinde veteres doctores meminerūt Tertullianus eas ad arā factas solenniores indicat in libro de oratione: Solennior (inquit) erit statio tua, si ad aram Dei steteris, accepto corpore Domini & reseruato: vtrūq; salutis est, & participatio sacrificij, & executio officij. Testatur in libro de ieiunio, eas stationes interdū in Vesperam vsq; productas esse, sic: Arguunt nos Psychici, quod ieiunia propria custodiamus, quod stationes plerūq; in Vesperā producimus, quod etiā xerophagias obseruemus, siccantes cibū ab omni carne, & omni iurulentia. Idem stationes sepe cōmemorat, vt lib. II. ad vxorē: Vt si statio facienda est, maritus de die cōdicat ad tabernas: si ieiunia obseruanda sunt, maritus eadē die conuiuiū exerceat: Si procedendum erit, nunquā magis familiæ occupatio adueniat. Dies stationibus solennes recenset in libro de ieiunio contra Psychicos: Stationes dies suos habent quartæ, & sextæ feriæ. Et infra: Cur Stationibus quartā & sextā sabbati dicamus, & ieiunijs parasceue (id est, Sabbatū) Et in lib. de fuga in persecutione: Tunc & fides in expeditione sollicitior, & disciplinatio, in ieiunijs, & stationibus, & orationibus, & humilitate. Et in libro de oratione: similiter de stationū diebus: Nō putant pleriq; sacrificiorū orationibus interueniendū, quod statio soluenda sit accepto corpore domini: & in libro de ieiunio aduersus Psychicos: Propterea per singulas diximus species ieiunationū xerophagiarum (id est, aridorū ciborum nihil iuris habentiū comestionū) stationū. Et paulo infra: Quomodo in nobis ipsam vanitatē ieiunationū & xerophagiarū & stationum denotatis? Et paulo infra: Conuentus illi stationibus prius & ieiunationibus operari norūt. Vbi perpetuo ferē stationibus ieiunia adiungit. Nam ante solennes illos cōuentus ieiuniū prætmitterebāt. Meminit eius gestus & D. Cyprianus in sermone de oratione Dominica: Stamus (inquit) ad orationem: orabant autē orientē versus, vt in Apologetico refert Tertullianus. Hinc stationis vocabulū in hoc ferē sensu, Vrbis Romæ notissimū est ex antiquitate relictū, ipsa etiā obseruatione veteri per manus tradita, & retenta. Nam veteres Romani pontifices statis quibusdā diebus, præcipueq; in Quadragesima, & festis, ad diuersas Vrbis Romæ ecclesias accedebant, vbi sermone vel cōcione ad populū adstantem habita, & oratione ad Deum facta, diuina mysteria postea cum clero, & populo Romano celebrantes, participabant. Qui actus statio appellata est, à significatione, quā Cicero libro VI. ad Atticum vsurpauit, pro temporaria videlicet habitatione, vel etiā à stando, quod in his accedētes populi starent. Has stationes, hoc est, ad diuersas ecclesias solennes processiones, & conuentus cōmemorant, Auctor actorū Damasi papæ, & Anastasius Bibliothecarius in vita Hilari papæ. Ille quidē sic: Populus Romanus per Cœmeteria martyrum stationes sine clericis celebrabat. Et paulo infra: Felix Vrbem inrupit, & stationem in Iuli Basilica Transiberim dare præsumit. Hic verò: Hic constituit in Vrbe ministeriales, qui circumirent constitutas stationes, fecitq; Scyphum aureum ansatū vel stationariū librarū VIII. pro vsu stationum. Per ministeriales autem, clericos idoneos ad ministrandū, & officiandū in ecclesijs diebus stationū intelligit. Quare diu fuerunt in Vrbe ad Cātōres deputati, præbendas propterea habentes in ecclesiā S. Mariæ de rosa, quō non omnes ecclesię Vrbis haberent, tunc canonicos vel proprios clericos ad diuinū officiū peragendū. Eas porrò stationes postea S. Gregorius papa certo sub numero limitauit, totidē per totū annū statuēs: videlicet, quattuor Dominici aduentus, ferijs III. VI. & sabbato quattuor temporum, vigilia, & die natiuitatis Domini, sancti Stephani, S. Ioannis euangelistæ, sanctorum innocentium, Kal.

Ianuarij in circuncisione domini, Die Epiphaniæ, Dominicis in LXX. LX. & L. a feria quarta cinerum, vsq; ad Dominicam in Albis per totam quadragesimam, in litanij maioribus, in die sancti Marci, in Ascensione Domini, à vigilia Pentecostes, vsq; ad Dominicam sanctæ Trinitatis exclusiue, in festiuitatibus S. Crucis, & anniuersaria dedicatione ecclesiarum S. Saluatoris, & sanctorum Petri & Pauli apostolorum. Quibus diebus sequentes pontifices adiunxerunt Litanias triduanas ante ascensionē, solennia Beatæ Virginis Deiparæ, Purificationis, Annunciationis, Assumptionis, & Natiuitatis: Item sanctorum Angelorum, S. Ioannis Baptistæ, sanctorum apostolorum Petri & Pauli, Laurentij, & aliorum quorundam martyrum, quorum postea memoria exoleuit. Hinc Ioannes Diaconus libro secundo de vita sancti Gregorij papæ: Stationes (inquit) per basilicas, vel beatorum martyrum Cœmeteria secundum quod hæctenus plebs Romana, quasi eo uiuente certatim discurret, sollicitè ordinauit, per quas & ipse simul discurrens, dum ad huc eloqui præualet, XL. homilias euangelij coram ecclesia diuerso tempore declamauit. Quare ego ex præscriptionibus homiliarum suarū, stationes in ea ecclesia esse consutui, in quas eas habitas fuisse ipsarum index exponit. Petrus Mallius in libro historiæ sacræ: Sanctus Gregorius papa Romanum cantum, primicerium, & scholam cantorum instituit, docuitque. Ordinauit stationes propter poenitentes, quas cum primicerio, cantoribus, regionarijs, accoluthis, cruce stationali præcedente, faciebat. Nam aliter in quadragesima vsque ad Pascha, & aliter in albis dominicis diebus & festiuitatibus sanctorum. Statuit antiphonas has processionaliter in quatuor temporibus de cantari: Deprecamur te domine etc. Multa sunt domine peccata nostra, etc. Parce domine parce populo tuo, etc. In litanij maioribus alias antiphonas ordinauit. Fecitque ad sanctum Stephanum æphanotrophium, ubi Primicerius & cantores manerent, qui iugiter essent cum pontifice, episcopis, cardinalibus, diaconis, regionarijs, accoluthis, cubicularijs, qui eum custodirent, & essent ei bonum testimonium. Et Gelasij papæ ordinatione repetita, sanxit, vt essent per regiones diaconi, Cardinales, subdiaconi, & regionarij. In Vrbe verò vnaquæque ecclesiæ stationalis vicinā aliquam aliam eadem sacram habebat, in qua populus die stationis colligebatur, & ibi dicebatur collecta super populum collectum: & exinde omnes simul processionaliter ad ecclesiam, in qua erat statio, accedebant, solennique Missarum sacrificio & concioni intererant. Stationes autem, quæ celebrantur, sunt quæ suprā commemorauimus, à Dominica prima aduentus, vsque ad Sabbathū ante S. Trinitatem cum tribus ferijs quattuor temporum LXXVI. diebus numero tribus & octuaginta celebratæ. Nam die Natalis tres, & feria quinta, post quartam dominicam quadragesimæ duæ stationes sunt. Ad quas autem ecclesias, & quot vicibus, nunc statio sit vel olim fuerit, paulò infrā sigillatim aperiam. Illud tantū in summa aperire placuit, nostro tēpore stationes esse in quinq; ecclesijs patriarchalibus, omnibus XXVIII. Titulis, excepto SS. Nerei & Acchillei, quatuor diaconijs, sex titulis nouis, & S. Maria Rotunda, Sunt autē omnino ecclesiæ, in quibus nunc statio est, tres & quadraginta stationes XXCVI. diebus XXCVIII. Pius III. nostro tēpore Thermas Diocletiani ecclesiā S. Mariæ Angelorum dedicauit, & stationem in ea concessit Sabbato post III. Dominicam Quadragesimæ.

STATIONES, quæ nostro tempore in singulis Vrbs ecclesijs per annum celebrantur.

❧ In basilica Patriarchali Lateranensi sunt stationes VIII.

Dominica prima quadragesimæ vetustissima est statio, cuius in homiliarū XL.

S. Gregorij papæ libro mentio extat.

Dominica palmarum.

Feria V. in cena domini.

Sabbato

Sabbato sancto.)

Sabbato in albis vetustissima à tempore S. Gregorij papæ.

Feria III. Letaniarum triduanarum ante ascensionem domini recens statio.

Sabbato ante Pentecosten.

¶ In Basilica Patriarchali S. Petri apostoli in Vaticano sunt stationes XIII.

Omnibus quattuor Sabbatis quattuor temporum.

Dominica III. aduentus Domini.

In Epiphania domini vetustissima statio ante mille annos.

Dominica in Quinquagesima vetustissima statio.

Feria II. Paschæ vetustissima statio.

In die S. Marci in Letanijs maioribus vetus statio.

Feria III. Letaniarum triduanarum ante Ascensionem Domini recens statio.

In Ascensione Domini vetustissima statio.

In Pentecoste vetustissima statio.

¶ In Basilica Patriarchali S. Pauli Apostoli extra muros Urbis via Ostiensis sunt stationes quinque:

In die SS. Innocentium.

Dominica in Sexagesima.

Feria III. post quartam Dominicam Quadragesimæ.

Feria III. Paschæ vetustissima statio.

Feria V. post Pentecosten.

¶ In Basilica Patriarchali S. Mariæ Maioris in Exquilij stationes XII.

Dominica prima Aduentus Domini.

Singulis quartis ferijs quattuor temporum.

In Vigilia Natalis Domini.

Media nocte in prima Missa Natalis Domini ad præsepe vetustissima statio.

In Missa maiori Natalis Domini.

Die S. Ioannis Evangelistæ.

Feria III. maioris hebdomadæ.

In die sancto Paschæ vetustissima statio à tempore vsq; S. Gregorij Papæ.

Feria II. Letaniarum triduanarum ante Ascensionem Domini recens statio.

¶ In Basilica Patriarchali S. Laurentij extra muros sunt stationes tres:

Dominica in Septuagesima vetustissima statio.

Dominica II. in Quadragesima.

Feria III. post Pascha vetustissima statio ante mille annos.

¶ In Titulo S. Mariæ in Transiberim sunt stationes duæ:

In Circumcisione Domini Kal. Januarijs.

Feria V. post II. Dominicam Quadragesimæ.

¶ In Titulo S. Chrysogoni statio Feria II. post Dominicam passionis.

¶ In Titulo S. Cæciliæ statio Feria III. post II. Dominicam Quadragesimæ.

¶ In Titulo S. Anastasiæ sunt stationes tres:

Die Natalis Domini in Missa Auroræ.

Feria III. post primam Dominicam Quadragesimæ.

Feria III. post Pentecosten.

¶ In Titulo S. Laurentij in Damaso statio Feria III. post quartam Dominicam Quadragesimæ.

Feria III. Letaniarum triduanarum ante Ascensionem Domini est collectio.

¶ In Titulo S. Marci statio Feria II. post quartam Dominicam Quadragesimæ.

In die S. Marci in Letanijs maioribus ibidem est collectio.

¶ In Titulo S. Martini in montibus statio Feria v. post quartam Dominicam Quadragesimæ.

dragesimę, quam quum exoluisset, restituit Paulus Papa IIII.

¶ In Titulo S. Sabinę statio Feria IIII. Cinerum.

¶ In Titulo S. Priscę statio Feria III. maioris hebdomadę.

¶ In Titulo S. Balbinę statio Feria III. post II. Dominicam quadragesimę.

¶ In Titulo SS. Nerei, & Achillei olim erat statio Feria II. maioris hebdomadę, nunc exoleuit.

¶ In Titulo S. Xysti statio Feria IIII. post Dominicam III. quadragesimę.

¶ In Titulo S. Marcelli statio Feria IIII. de Passione.

¶ In Titulo S. Susannę statio Sabbato post III. Dominicam quadragesimę.

¶ In Basilica SS. XII. Apostolorum sunt stationes sex, omnibus sextis

Ferijs quatuor temporum.

Dominica IIII. Aduentus Domini.

Feria v. post Pascha.

¶ In Titulo S. Quirici statio Feria III. de passione.

¶ In Titulo S. Eusebij statio Feria VI. post IIII. Dominicam quadragesimę.

¶ In Titulo S. Pudencianę statio Feria IIII. post III. Dominicam quadragesimę.

¶ In Titulo S. Vitalis statio Feria VI. post II. Dominicam quadragesimę.

¶ In Titulo SS. Marcellini, & Petri statio Sabbato post secundam Dominicam quadragesimę.

¶ In Titulo S. Clementis statio Feria II. post II. Dominicam quadragesimę.

¶ In Titulo S. Praxedis statio Feria II. maioris hebdomadę.

¶ In Titulo S. Petri ad vincula stationes duę.

Feria II. post primam Dominicam quadragesimę.

Feria II. post Penthecosten.

¶ In Titulo S. Laurentij in Lucina statio Feria sexta post tertiam Dominicam quadragesimę.

¶ In Titulo S. Crucis in Hierusalem stationes tres:

Dominica II. Aduentus.

Dominica IIII. in quadragesima.

Feria VI. Parasceus.

¶ In Titulo S. Stephani in Caelio mote stationes II.

In die S. Stephani vetustissima.

Feria VI. de Passione.

¶ In Titulo SS. Ioannis, & Pauli statio Feria VI. post cineres.

¶ In Titulo SS. quattuor coronatorum statio Feria II. post IIII. Dominicam quadragesimę.

¶ In Diaconia S. Marię in Dominica statio Dominica II. quadragesimę.

¶ In Diaconia SS. Cosmę, & Damiani statio Feria v. post IIII. Dominicam quadragesimę.

¶ In Diaconia S. Gregorij in velabro statio Feria v. post cineres.

¶ In Diaconia S. Nicolai in carcere Tulliano statio Sabbato post IIII. Dominicam Quadragesimę.

¶ In Diaconia S. Hadriani collectio Feria II. Letaniarum triduanarum.

¶ In Diaconia S. Marię Nouę collectio Feria III. Letaniarum triduanarum.

¶ In Archipresbyteratu olim nunc Titulo S. Ioannis ante portam Latinam statio Sabbato de Passione.

¶ In Archipresbyteratu olim, nunc Titulo S. Apollinaris statio Feria v. de Passione.

¶ In Monasterio, & nouo Titulo S. Laurentij in Paneperna statio Feria v. post primam Dominicam Quadragesimę.

¶ In Monasterio, & nouo Titulo S. Siluestri in Căpo statio Feria v. post IIII. Dominicam Quadragesimę.

¶ I In

- ¶ 1 In Monasterio, & nouo Titulo S. Pancratij statio Dominica in Albis.
 ¶ 4 In Archipresbyteratu, S. Mariæ Rotundæ aliâs Pantheon statio Feria VI.
 post Pascha.
 ¶ 2 In Archipresbyteratu nunc Monasterio, & nouo titulo S. Triphonis statio
 Sabbato post cineres.
 ¶ 3 In Monasterio, & nouo titulo S. Mariæ Angelorum in Thermis Diocle-
 tiani Sabbato post III. Dominicâ Quadragesimæ.
 Sunt omnes Ecclesiæ XLIII.
 Stationes XXCVII.
 Diebus XXCIII.

Posteaquâ stationum seriem ordine ecclesiarû enumerato recitauimus, nunc ad
 faciliorem lectoris intelligentiam, maioremq; comoditatem, eadẽ, seruato die-
 rum ordine, repetemus.

Dominica igitur prima Aduentus Domini statio ad S. Mariam Maiorem.

Dominica secunda statio ad S. Crucem in Hierusalẽ, olim ad S. Petrum. Ex indice

Homiliarum D. Gregorij.

Dominica III. statio ad S. Petrum, olim ad SS. Marcellinum, & Petrum. Ex indi-
 ce Homiliarum D. Gregorij.

Feria III. statio ad Presepe, aliâs ad S. Mariam Maiorem.

Feria VI. statio ad SS. Apostolos.

Sabbato in XII. lectionibus statio ad S. Petrum, olim ad S. Ioannem Baptistam.
 Ex indice Homiliarum D. Gregorij.

In omnibus ieiunijs quattuor Tẽporũ, similiter eadẽ sunt stationes.

Dominica IIII. Aduentus Domini statio olim ad S. Petrum, postea diu vacauit,
 nunc est ad SS. Apostolos.

In Vigilia Natiuitatis Domini statio ad S. Mariam Maiorem,

In I. missa eiusdem noctis statio ad Presepe vetustissima.

Manẽ statio ad S. Anastasiam.

In missa maiori antiquitus statio ad S. Petrum, nunc ad S. Mariam Maiorem.

In die S. Stephani statio in ecclesia eius, quæ est in Cœlio monte.

In die S. Ioannis Euangelistæ statio Laterani olim, nunc ad S. Mariam Maiorem.

In die SS. Innocentium statio ad S. Paulum, vbi sunt reliquiæ eorum.

In octaua Natiuitatis Domini, antiquitus vacabat, postea à Callisto II. Papa facta
 est statio ad S. Mariam Transiberim, vt ex eius bulla liquet.

In Epiphania Domini statio ad S. Petrum.

In Purificatione Beatæ Mariæ statio ad S. Mariam Maiorem.

In Septuagesima statio ad S. Laurentium extra muros vetustissima.

In Sexagesima statio ad S. Paulum, olim ad S. Petrum.

In Quinquagesima statio ad S. Petrum.

Feria IIII. cinerum statio ad S. Sabinam.

Feria V. statio ad S. Georgium.

Feria VI. statio ad SS. Ioannem, & Paulum.

Sabbato statio olim ad S. Laurentium in regione III. postea diu vacauit, hodie ad
 S. Triphonem.

Dominica in Quadragesima statio Laterani.

Feria II. statio ad S. Petrum ad vincula.

Feria III. statio ad S. Anastasiam.

Feria IIII. statio ad S. Mariam Maiorem.

Feria V. antiquitus vacabat, postea facta est statio ad S. Laurentium in Paneperna

Feria VI statio ad S. Apostolos.

Sabbato in XII. lectionibus statio ad S. Petrum.

D Dominica

Dominica secunda Quadragesimæ, antiquitus vacabat, postea facta est statio ad S.

Mariam in Nauicula, aliàs in Domnica.

Feria II. statio ad S. Clementem.

Feria III. statio ad S. Balbinam.

Feria IIII. statio ad S. Cæciliam, ubi corpus eius requiescit.

Feria V. statio ad S. Mariam Transiberim tituli Callisti.

Feria VI. statio ad S. Laurentium in Lucina.

Sabbato statio ad sanctos Petrum, & Marcellinum.

Dominica III. Quadragesimæ statio ad S. Laurentium foris muros.

Feria II. statio ad S. Marcum.

Feria III. statio ad S. Pudencianam.

Feria IIII. statio ad S. Xystum.

Feria V. statio ad sanctos Cosmam, & Damianum.

Feria VI. statio ad S. Laurentium in Lucina.

Sabbato antiquitus vacabat, postea facta est statio ad S. Susanam. Pius IIII. papa adiunxit S. Mariam Angelorum in Thermis Diocletiani.

Dominica quarta Quadragesimæ statio ad S. Crucem in Hierusalem.

Feria II. statio ad SS. quattuor coronatos.

Feria III. statio ad S. Laurentium in Damaso.

Feria IIII. statio ad S. Paulum.

Feria V. duplex statio ad S. Siluestrum in campo Martio, & ad S. Martinum in Montibus à Paulo IIII. restituta.

Feria VI. statio ad S. Eusebium.

Sabbato duplex statio, olim ad S. Laurentium foris muros, quæ exoleuit: & hodie ad

S. Nicolaum in carcere Tertulliano, quæ durat.

Dominica de Passione statio ad S. Petrum.

Feria I. statio ad S. Chrysogonum.

Feria II. statio ad S. Cyriacum in Thermis olim, nunc ad SS. Quiritum, & Iulitam.

Feria III. statio ad S. Marcellum.

Feria V. statio ad S. Apollinarem.

Feria VI. statio ad S. Stephanum in Cælio monte.

Sabbato quando D. Papa dabat elemosynam ad S. Petrum duplex statio, ad S. Ioannem ante Portam Latinam, quæ in vlu est, & ad S. Petrum, quæ exoleuit.

Dominica Palmarum statio Laterani in Basilica S. Saluatoris.

Feria I. duplex statio, antiquitus ad SS. Nereum, & Archileum, quæ abrogata est, & hodie ad S. Praxedem, quæ durat.

Feria III. statio ad S. Priscam.

Feria IIII. statio ad S. Mariam Maiorem.

Feria V. statio Laterani.

In Parasceue statio ad S. Crucem in Hierusalem

Sabbato Sancto Laterani.

In Pascha manè statio ad S. Mariam Maiorem, in Vesperis verò ad S. Ioannem in Laterano.

Feria II. statio ad S. Petrum manè, in Vesperis Laterani similiter.

Feria III. statio ad S. Paulum, in Vesperis Laterani.

Feria IIII. statio ad S. Laurentium extra muros.

Feria V. ad SS. Apostolos, olim Laterani.

Feria VI. statio ad S. Mariam ad Martyres, aliàs Rotundam.

Sabbato in Albis statio Laterani.

Dominica in Albis statio olim Laterani, nunc ad S. Pancratium.

In Ieta-

In Ietanijs maioribus collectio ad S. Marcum, statio ad S. Petrum.
Feria II. Ietaniarum collectio ad S. Mariam Maiorem, statio Laterani.
Feria III. collectio ad S. Sabinam, statio ad S. Paulum.
Feria IIII. collectio ad S. Eusebium, statio ad S. Laurentium extra muros.

ALIAS.

Feria IIII. collectio ad S. Crucem in Hierusalē, statio ad S. Laurentiū foris muros;
NVNC.

Feria II. collectio ad S. Hadrianum, statio ad S. Mariam Maiorem.
Feria III. collectio ad S. Mariam Maiorem, statio Laterani.
Feria IIII. collectio ad S. Laurentiū in Damaso, statio ad S. Petrum.
In Ascensione Domini statio ad S. Petrum.
Sabbato Pentecostes statio Laterani.
Dominica Pentecostes statio ad S. Petrum.
Feria II. statio ad S. Petrum ad Vincula.
Feria III. statio ad S. Anastasium, aliās S. Anastasiam.
Feria IIII. statio ad S. Mariam Maiorem.
Feria V. statio ad S. Paulum.
Feria VI. statio ad SS. Apostolos.

Sabbato in XII. lectionibus statio ad S. Petrū, olim ad S. Laurentiū.
In solennitatibus S. Crucis statio Laterani in Basilica S. Salvatoris.

VARIETAS IN STATIONIBVS.

Dominica II. Aduentus olim statio erat ad S. Petrū, nunc ad S. Crucē in Hierusalē.
Dominica II. Aduentus Domini olim statio erat ad S. Ioannem Baptistam, nunc ad S. Petrum in Vaticano.

Dominica III. Aduentus Domini olim statio erat ad S. Petrum, nunc est ad SS. Apostolos.

Die Natalis Domini ad Missam maiorem olim statio erat ad S. Petrum, nunc est ad S. Mariam Maiorem.

In die S. Ioannis Euangelistę olim statio erat Laterani, nunc est ad S. Mariā Maiorē.

In octaua Natalis Domini olim vacabat, hodie est ad S. Mariam Transiberim.

Dominica in Sexagesima olim erat statio ad S. Petrum, nunc est ad S. Paulum.

Sabbato post cineres olim statio erat ad S. Laurentium in regione III. hodie est ad S. Triphonem.

Feria V. post primam Dominicam in Quadragesima olim vacabat, hodie est ad S. Laurentium in Pane & perna.

Dominica II. Quadragesimę olim vacabat, hodie est ad S. Mariam in Dominica.

Sabbato post III. Dominicā Quadragesimę olim vacabat, hodie est ad S. Sufannam, & S. Mariam Angelorum.

Feria V. post III. Dominicam Quadragesimę olim duplex erat statio: ad S. Siluestrum in Campo Martio, quę nunc etiam perdurat, & ad S. Martinum in Montibus, quam abrogatam renouauit Paulus quartus.

Sabbato post quartam Dominicam Quadragesimę olim duplex erat statio.

Ad S. Laurentium foris muros, quę nunc exoleuit, & ad S. Nicolaum in carcere, quę nunc in vsu est.

Sabbato de Pensione, duplex olim statio erat:

Ad S. Petrum, quę exoleuit, & ad

S. Ioannem ante Portam Latinam, quę nunc perdurat.

Feria II. maioris hebdomadę duplex olim statio erat:

Ad SS. Nereum, & Achilleum, quę exoleuit, &

Ad S. Praxedem, quę nunc in vsu est.

Die S. Paschæ duplex olim erat statio:

Manè ad S. Mariam Maiorem vetustissima, quæ nunc frequentatur, & ad Vesperas Laterani.

Feria II. Paschæ duplex olim statio erat:

Manè ad S. Petrum vetustissima, quæ perdurat, & Vespere in Basilica S. Saluatoris.

Feria V. post Pascha duplex olim erat statio:

In Basilica Constantiana, quæ exoleuit, & nunc est ad SS. Apostolos.

Dominica in Albis olim erat statio in Basilica Constantiana, quæ etiam desijt, & Nunc ad S. Paneratum.

In letanijs maioribus in die S. Marci olim collectio erat Laterani, nunc ad S. Marcum, statio verò ad S. Petrum.

In letanijs maioribus, quas triduana vocant, ante Ascensionem Domini vetustissimis temporibus sub Leone III. Anno Domini DCCC.

Feria II. collectio erat ad S. Mariam Maiorem, statio verò ad Lateranum.

Feria III. collectio erat ad S. Sabinam, statio verò ad S. Paulum.

Feria IIII. collectio erat ad S. Crucem in Hierusalem, statio verò ad S. Laurentium foris muros.

Posterioribus vero temporibus feria IIII. collectio ad S. Eusebium, statio autem ad S. Laurentium extra muros.

Nostris porro temporibus feria II. collectio ad S. Hadrianum, statio verò ad S. Mariam

Feria III. collectio ad S. Mariam Nouam, statio autem Laterani. (Maiorem.

Feria IIII. collectio ad S. Laurentium in Damaso, statio verò ad S. Petrum.

Sabbato quattuor Temporum Pentecostes olim statio erat ad S. Laurentium, quæ exoleuit, & nunc est ad S. Petrum Apostolum.

Feria VI. quattuor temporum Septembris olim statio erat ad S. Clementem, quæ exoleuit, & nunc est ad SS. Apostolos.

STATIONES ANTIQVAE, QVAE NOSTRIS temporibus exoluerunt.

Dominica prima post octauam Paschæ statio ad S. Petrum.

Dominica II. post octauam Paschæ statio ad SS. Cosmam, & Damianum.

Dominica infra VIII. Ascensionis, quæ de Rosa dicebatur, statio ad S. Mariam Rotundam.

Dominica prima post Trinitatem statio ad S. Laurentium.

Dominica II. post Trinitatem statio ad SS. Apostolos Philippum, & Iacobum.

Dominica III. statio ad SS. Ioannem, & Paulum.

Dominica VIII. statio in Basilica Constantiniana.

Dominica post festum, S. Callisti mense octobris statio, ad S. Mariam Transiberim.

Dominica XX. statio ad S. Clementem.

Pridie Kal. Decembris die S. Andreae statio ad S. Andream in Exquilis.

Pridie Kal. Ianuarij die S. Siluestri statio ad S. Siluestrum.

XIX. Kal. Februarij statio ad S. Felicem in monte Pincio.

XIIII. Kal. Februarij statio ad S. Sebastianum.

XII. Kal. Februarij statio ad S. Hagnem.

IIII. Nonas Februarij die Purificationis B. Mariæ Virginis collectio ad S. Hadrianum, statio verò ad S. Mariam Maiorem.

VIII. Kal. Aprilis die Anunciationis statio ad S. Mariam Maiorem.

V. nonas Maij statio ad S. Crucem in Hierusalem.

III. Idus Maij statio ad S. Mariam ad Martyres, alias Rotundam.

IIII. Idus Maij duplex statio ad S. Pancratium, & ad SS. Nereum, & Achilleum.

IIII. Nonas Iunij statio ad SS. Marcellinum, & Petrum, via Labicana.

VIII. Kal. Iulij statio in Basilica Constantiniana.

III. Kal. Iulij statio ad S. Petrum.

Pridie Kal. Iulij statio ad S. Paulum.

VI. Nonas

VI. Nonas Iulij statio ad SS. Processum, & Martinianum.

III. Idus Augusti statio ad S. Laurentium extra muros.

XVIII. Kal. Septembris die Assumptionis statio ad S. Mariam Maiorem.

XVI. Kal. Septembris statio ad S. Mammam.

VI. Idus Septembris die Natiuitatis B. Mariæ Virginis statio ad S. Mariam Maiorem.

XVIII. Kal. Octobris die exaltationis S. Crucis collectio ad Basilicam S. Laurentij in Palatio, quæ dicitur Sancta sanctorum, statio Laterani.

XV. Kal. Nouembris die S. Lucæ statio Laterani.

V. Idus Nouembris die Dedicationis Basilicæ S. Saluatoris, statio ad Basilicam Lateranensem. (triufq; Basilicas.

XIII. Kal. Decembris die Dedicationis Basilicarum SS. Petri & Pauli, statio ad v. IX. Kal. Decembris statio ad S. Felicitatem.

STATIONES, QVAE IN SINGVLIS BASILICIS EXOLVERVNT.

In Basilica Constantiniana, Die Paschæ ad Vesperas.

Feria II. Paschæ ad Vesperas.

Feria V. post Pascha.

Dominica in Albis.

In letanijs maioribus collectio.

In letanijs minoribus feria II.

Dominica VIII. post Trinitatem.

In die S. Ioannis Euangelistæ.

In inuentione S. Crucis.

In festo S. Ioannis Baptistæ.

Die exaltationis S. Crucis.

Die S. Lucæ.

Die dedicationis Basilicæ S. Saluatoris:

Ad S. Petrum.

Dominica II. Aduentus Domini.

Dominica III. Aduentus Domini.

Die Natalis Domini ad Missam maiorem.

Dominica in Sexagesima.

Sabbato de Pasione.

Dominica prima post octauam Paschæ.

Die Dedicationis Basilicarum Apostolorum.

Ad S. Paulum.

Feria III. Triduanarum.

Die commemorationis S. Pauli.

Ad S. Mariam Maiorem.

Feria II. Triduanarum collectio.

Die Purificationis

Die Annunciationis } Beatæ Virginis.

Die Assumptionis

Die Natiuitatis. }

Ad S. Laurentium extra muros.

Sabbato post III. Dominicam Quadragesimæ.

Sabbato quattuor temporum Pentecostes.

Dominica prima post S. Trinitatem.

Feria III. Triduanarum.

Die S. Laurentij.

Ad S. Martinum in Montibus.

Feria V. post III. Dominicam XL. eam restituit Paulus III.

d 3 Ad

- Ad S. Anastasiam.
 Feria IIII, cinerum collectio.
 Ad S. Sabinam.
 Feria IIII, Triduanarum collectio.
 Ad SS. Nereum, & Archilleum.
 Feria II, maioris hebdomada.
 Die eorum solennitatis IIII. Id. Maij.
 Ad SS. XII. Apostolos.
 Dominica II, post S. Trinitatem.
 Ad S. Eusebium.
 Feria IIII, Triduanarum collectio.
 Ad SS. Marcellinum, & Petrum.
 Dominica III, Aduentus Domini.
 Ad S. Clementem.
 Feria III, quattuor temporum Septembris.
 Dominica XX, post Trinitatem.
 Ad S. Crucem in Hierusalem.
 Feria IIII, Triduanarum collectio.
 Ad SS. Ioannem, & Paulum.
 Dominica III, post S. Trinitatem.
 Ad SS. Cosmam, & Damianum.
 Dominica II, post octauam Paschæ.
 Ad S. Hadrianum.
 Collectio in die Purificationis.
 Ad S. Ioannem Baptistam.
 Sabbato quattuor temporum Aduentus.
 Ad S. Mariam Rotundam.
 IIII. Idus Maij, Dies Dedicationis eiusdẽ, à Bo-
 nifacio III. Papa.
 Dominica infra octauam Ascensionis, quæ de
 Rosa dicebatur.
 Die S. Andreæ.
 Die S. Siluestri.
 Die S. Felicis.
 Die S. Sebastiani.
 Die S. Agnetis.
 Die S. Pancratij.
 Die SS. Processi, & Martiniani.
 Die S. Mammæ.
 Die S. Felicitatis.

Exoleuerunt stationes, quæ erant in earundem Basilicis, tempore S. Gregorij Pa-
 pæ, vt ex indite homiliarum ab eo, in ijsdem Basilicis stationum diebus editarum,
 & Ioanne Diacono in eiusdem vitæ libro II. liquet.

32

BONIFACIUS VIII. PAPA OM-
NES STATIONVM INDVLGENTIAS A
PRAEDECESSORIBVS SVIS CONCESSAS CON-
firmauit, vt ex hoc eius diplomate constat.



Onifacius Episcopus, seruus seruorū Dei, ad perpetuā rei memoriam. Su-
blimi sedis apostolicæ folio diuina disponente clemētia praesidentes. Et
si de cunctis orbis ecclesijs, iuxta nostri officij debitiū, indefesso sollicitu-
dinis studio cogitemus, ad earum statum votiū & prosperum intenden-
do: de illis tamen, quæ almæ Vrbis latitudo sinuosa complectitur, eò propensius co-
gitare nos conuenit, & ad status & honoris earum incrementa felicia, opem, & ope-
ram, efficacius impartiri, quo nostris humeris illarū cura dignoscitur specialius, &
principalius imminere. Sanè frequenti cōsiderationis indagine perlustramus, & in-
fra claustra pectoris sollicita meditatione discutimus, qualiter doctor optimus ec-
clesiæ sanctæ lumen, beatus Gregorius, dum adhuc in terris gereret vices Christi, pa-
triarchalibus, & quampluribus alijs eiuſdē Vrbis ecclesijs, primò, pro vt tradit an-
tiquitas, & alij postmodum Romani pontifices praedecessores nostri, ad honorem
Dei, & salutem animarū fidelium, quorum ad Vrbem ipsam de vniuersis ferè orbis
prouincijs innumera confluit multitudo, de apostolicæ sedis liberalitate munifica,
diuersorū tenorum stationarias indulgentias cōcesserunt. Nos igitur praedecessorū
ipsorum vestigijs præ sollicitudinis studio inhæretes, & crebrius reuoluentes in in-
timis, quod in eadem Vrbe non sine supernæ dispositionis arbitrio gloriosorū Prin-
cipum orbis terræ, ac aliorum innumera bilia sanctorū veneranda corpora requie-
scant: Et propterea non indignè volentes, ob diuinā, & Principum ac sanctorū reue-
rentiā prædictorum, ecclesias ipsas, nec nō, & eandē Vrbem, vtpote ipsius Romanæ
ecclesiæ filiam spiritualem, & ad eius beneplacita exequenda dispositā, quam infra
sacrarū pectoris gerimus prædilectā honoribus condignis attollere, vberibus, pro-
sequi gratijs, & præcipuis fauoribus consouere, ac animarum fidelium providere
profectibus eorundem, vniuersas stationarias indulgentias supradictas eisdē eccle-
sijs sub quacunq; forma continentia, siue modo eis à prædecessoribus ipsis concessas,
auctoritate apostolica, & ex certa scientia cōfirmamus, easq; obtinere volumus
perpetui roboris firmitatem, & vt paternæ dilectionis affectum, quē ad Vrbem ge-
rimus prælibatam, per effectum operis euidentius ostendamus: ac ipsam, & easdem
ecclesias honoris, & gratiæ potioris impendio prosequamur, & saluti provideamus
vberius fidelium prædictorum. Nos de omnipotentis Dei misericordia, & eorundem
Principum beatorū Petri, & Pauli apostolorum eius auctoritate confisi, omnibus
verè poenitentibus & confesis, qui ad prædictas ecclesias à die cinerum, vsque ad
festum resurrectionis Dominicæ inclusiue, ex tunc proxime sequuturum, venerabili-
ter visitauerint, annuatim vnum annum & quadraginta dies, ac illis etiā, qui in statu
huiusmodi existentes ad recipiendum benedictionis munus per summū pontificē,
qui pro tēpore fuerit à prædicto die cinerum, vsq; ad festum ipsius similiter inclu-
siue super peregrinos, prout moris esse dignoscitur, faciendā, deuotè acceſſerint,
seu aliās illi contigerit interesse, præter alias indulgentias consuetas, centum dies
de iniunctis sibi poenitētijs misericorditer relaxamus. Nulli ergo omninò hominū
liceat hanc paginam nostræ confirmationis, & relaxationis infringere, vel ei ausu
temerario contraire. Si quis autem hoc attemptare præſumpserit, indignationem
omnipotentis Dei, & beatorum Petri, & Pauli Apostolorum prædictorum
senouerit incurſurum. Datum Laterani VIII. Idus Apri-
lis, Pontificatus nostri, Anno Tertio.

